

8.52.B.1² Cat. inscrip.

VINCENTII LIRI-
NENSIS GALLI, PRO

CATHOLICÆ FIDEI

Veritate & antiquitate, aduersus pro-
phanas omnium hereseon
nouationes Libellus,
iam primum
editus.



spes eius, & non respexit

Veritas vtr cuius est Dominus



in nouationes & insanas falsas.

Veneris ad signum spei.

M D LII.

VINCENTII VITA EX

catalogo Gennadij.

Vincentius natione Gallus, apud monasterium in Lirinenſi
 insula presbyter: uir in scripturis sanctis doctus, & noti-
 tia ecclesiasticorum dogmatum sufficienter instructus,
 composuit ad euertenda hereticorum collegia nitido & aperto ser-
 mone ualidisſimam disputationem, quam absconſo nomine suo,
 attitulauit, Peregrini aduersum hereticos: cuius operis quia secun-
 di libri maximam in schedulis partem, a quibusdam furatam per-
 didit, recapitulato eius paucis sermonibus sensu primo compegit,
 & in unum librum edidit. Moritur Theodosio & Valentiniano
 regnantibus.

VINCENTII LIRINENSIS GALLI PRO
Catholica fidei Antiquitate & Vniuersitate, aduer-
sus Profanas omnium hæreseon Noua-
tiones, Libellus.



Dicente scriptura & monente: inter-
roga patres tuos, & dicent tibi, se-
niores tuos, & adnuntiabunt tibi.
Et iterum: Verbis sapientium ad-
commoda tuam aurem. Et iterum:
Fili mi hos sermones ne obliuiscas.
mea autem uerba, custodiat cor tuum uidetur
mihi minimo omnium seruorū Dei Peregrino quod
res non minimæ utilitatis Domino adiuuante futu-
ra sit, si ea quæ fideliter a sanctis Patribus accepi li-
teris comprehendam, infirmitati certe propriæ
pernecessaria. Quippe quum ad sit in pròptu unde
imbecillitas memoriæ meæ assidua lectione repa-
retur. Ad quod me negotium non solum fructus
operis, sed etiam consideratio temporis, & oppor-
tunitas loci adhortatur: Et tempus propterea,
quod quum ab eo omnia humana rapiantur, &
nos ex eo aliquid in inuicē rapere debemus, quod
in uitam proficiat æternam, præsertim quum & ap-
propinquantis diuini iudicij terribilis quædam expe-
ctatio augeŕi efflagitet studia religionis, & nouo-
rum Hæreticorum fraudulentia multum curæ & at-
tentionis indigeat.

Locus autem quod urbium frequentia turbasque
uitantes, remotioris uillulæ, & in ea secretum mo-
nasterij incolamus habitaculum; ubi absque magna
distructione fieri possit illud quod canitur in Psal-
mo: Vacate, inquit, & uidete, quoniam ego sum deus.
Sed & propolium nostri ratio in id conuenit, quippe

qui quum aliquandiu uarijs ac tristibus secularis militiæ turbinibus uolueremur, tandem nos in portum religionis cunctis semper fidissimum. Christo adspirante cōdidimus, ut ibi depositis uanitatibus ac superbix flatibus, Christianæ humilitatis sacrificio placentes Deum, non solum præsentis uitæ naufragia, sed etiam futuri seculi incendia uitare possimus. Sed iam in nomine Domini quod instat adgrediar, ut. scilicet a maioribus tradita, & apud nos depositam describam, relatoris fide potius, quàm autoris præsumptione, hac tamē scribēdi lege seruata, ut nequaquā omnia, sed tantum necessaria quęq; perstringā: neq; id ornatō & exacto, sed facili communiq; sermone, ut pleraq; significata potius, quā explicata uideantur. Scribant hi laute & accurate, qui ad hoc munus uel ingenij fiducia, uel officij ratione ducuntur, me uero subleuandæ recordationis, uel potius obliuionis meæ gratia Commonitorium mihi met parasse suffecerit, quod tamen paulatim recolendo quæ didici emendare, & implere quotidie Domino præstāte conabor. Atqui hoc ipsum idcirco præmonui, ut si forte elapsum nobis in manus sanctorum deuenit, nihil in eo temere reprehendat, quod adhuc uideant promissa emendatione limādum. Sæpe igitur magno studio & summa attentione perquirens, à quam plurimis sanctitate & doctrina præstantibus uiris, quo nam modo possim certa quadā, & quasi generali ac regulari uia catholicæ fidei ueritatem ab hæreticæ prauitatis falsitate discernere, huiusmodi semper responsum ab omnibus fere retuli, quod siue ego, siue quis uellet exurgentium hæreticorum fraudes deprehendere, laqueosq; uitare, & in fide sana sanus atque integer permanere, duplici modo munire fidem suam domino adiuuante deberet: Primo,

mo scilicet diuinæ legis authoritate, tum deinde *Eccl. aucto-*
ritas qua-
 clesiæ catholicæ traditione.

Hic forsitan requirat aliquis: Quum sit perfectus *re magni-*
facienda.
 scripturarum canon, sibi que ad omnia satis superq̃
 sufficiat, quid opus est ut ei ecclesiasticæ intelligen-
 tiæ iungatur autoritas? Quia uidelicet scripturam
 sacram pro ipsa sui altitudine non uno eodemq̃ sen-
 su uniuersi accipiūt, sed eiusdem eloquia aliter atq̃
 aliter alius atq̃ alius interpretatur, ut pene quot ho-
 mines sunt, tot illinc sententiæ erui posse uideantur.
 Aliter nanq̃ illam Nouatianus, aliter Sabellius, ali-
 ter Donatus exponit, aliter Arius, Eunomius, Mace-
 donus, aliter Photinus, Apollinaris, Priscillianus, ali-
 ter Iouinianus, Pelagius, Celestius, aliter postre-
 mo Nestorius. Atqui idcirco multum necesse et pro-
 pter tantos tam uarij erroris anfractus, ut propheti-
 cæ & apostolicæ interpretationis linea, secundum
 ecclesiastici & catholici sensus normam dirigatur.

In ipsa item catholica ecclesia magnopere curan-
 dum est, ut id teneamus, quod ubiq̃, quod semper,
 quod ab omnibus creditum est: hoc est enim uere
 proprièq̃ catholicum quod ipsa uis nominis, ra-
 tioq̃ declarat, quæ omnia uere uniuersaliter com-
 prehendit. Sed hoc ita demum fit, si sequamur uni-
 uersitatem, antiquitatem, consensionem. Seque-
 mur autem uniuersitatem hoc modo: Si hanc unā
 fidem ueram esse fateamur quam tota per orbem
 terrarum confitetur ecclesia: Antiquitatem uero
 ita, si ab his sensibus nullatenus recedamus, quos
 sanctos maiores ac patres nostros celebrasse mani-
 festum est: Consensionem quoq̃ itidem, si in ipsa
 uetustate omnium, uel certe pene omnium sacerdo-
 dum pariter & magistrorum definitiones, senten-
 tiasq̃ sectemur. Quid igitur faciet Christianus ca-

*Catholica
fides con-
stat Uni-
uersitate,
Antiquita-
te.*

Cōsensioe.

tholicus si se aliqua ecclesie particula, ab uniuersalis fidei communione præciderit? Quid itaque, nisi ut pestifero corruptoq; membro sanitatē uniuersi corporis anteponat? Quid si nouella aliqua contagio non iam portiunculam tantum sed totam pariter ecclesiam commaculare conetur? Tunc item prouidebit, ut antiquitati inhæreat, quę prorsus iam nō potest ab ulla nouitatis fraude seduci. Quid si in ipsa uetustate duorum aut trium hominum, uel certe ciuitatis unius, aut etiam prouincię alicuius error deprehendatur? Tunc omnino curabit, ut paucorum temeritati uel inscitie, siqua sunt uniuersaliter antiquitus uniuersalis concilij decreta præponat. Quid si tale aliquid emergat, ubi nihil eiusmodi reperiatur? Tunc operam dabit, ut collatas inter se maiorum consulat interrogetq; sententias, eorum duntaxat, qui diuersis licet temporibus & locis in unius tamē ecclesie catholice communione, & fide permanentes, magistri probabiles extiterunt, & quicquid nō unus aut duo tantum, sed omnes pariter uno eodemq; consensu aperte, frequenter, perseveranter, tenuisse, scripsisse, docuisse cognouerit, id sibi quoq; intel ligat absque ulla dubitatione credendum. Sed ut planiora fiant quę dicimus, exemplis singulatim illustranda sunt, & paulo uberius exaggeranda, ne immodicę breuitatis studio rapiantur rerum pondera orationis celeritate.

Donatistę Tempore Donati, a quo Donatistę, quum sese multa pars Africę in erroris sui furias præcipitaret, quumq; immemor nominis, religiōis, professionis, unius hominis sacrilegam temeritatē Ecclesie Christi præponeret, tunc quicunq; per Africam constituti, profano schismate detestato, uniuersis mundi ecclesiis adsociati sunt, soli ex illis omnibus intra sacraria

craria catholicę fidei salui esse potuerunt: egregiam profecto relinquentes posteris formam, quemadmodum. s. & deinceps bono more unius, aut certe paucorum uesanię uniuersorū sanitas anteferretur.

Item quando Arianorum uenenum, non iam por- Ariana
tiunculam quandam, sed pene orbem totum conta-
minauerat, adeo ut prope cunctis Latini sermonis
Episcopis, partim ui, partim fraude deceptis, caligo
quędam mentibus offunderetur, quid nam potissi-
mum in tanta rerum confusione sequendum foret,
tunc quisquis uerus Christi amator & cultor exi-
tit, antiqua fidem nouellę perfidię preferendo, nulla
contagii ipsius peste maculatus est. Cuius quidem
temporis periculo satis superque monstratum est,
quantum inuehatur calamitatis nouelli dogmatis in-
ductione. Tunc siquidem non solum paruę res, sed
etiam maximę labefactę sunt. Nec enim tātū adfi-
nitates, cognatiōes, amicitię, dom⁹, uerū etiā urbes,
populi, puincię, nationes, uniuersum postremo Ro-
manū Imperiū funditus concussū & emotum est.

Nanq; quum profana ipsa Arianorum nouitas, Ariana no
uelut quędam Bellona aut Furia, capto prius omni uitas ue.
um Imperatore, cūcta deinde palatii culmina legib. lut furia
nouis subiūgasset, nequaquā deinceps destitit uniuers quedā ar
sa miscere atq; uexare, priuata ac publica, sacra, pfa mauit to-
naq; omnia, nullum boni & ueri gerere discrimen, tum orbē.
sed quoscūq; collibuisse tanq; de loco supiore pcu-
tere. Tūc temeratę cōiuges, depopulatę uiduę, pfa-
natę uirgines, dilacerata monasteria, disturbati cleri-
ci, uerberati Leuitę, acti in exiliū Sacerdotes, opple-
ta sc̄tis ergastula, carceres, metalla: Quorū pars ma-
xima interdictis urbib⁹ protrusi atq; extorres, inter
deserta, spelūcas, feras, saxa, nuditate, fame, siti affe-
cti, cōtriti & tabefacti sunt. Atq; hæc omnia nunqd

ullam aliam ob causam, nisi utique, dum pro coelesti dogmate humanæ superstitiones introducuntur? Dum bene fundata antiquitas scelestâ nouitate subruitur, dum superiorum instituta uiolantur, dum rescinduntur scita patrum, dum conuelluntur definita maiorum, dum sese intra sacratæ atque incorruptæ uetustatis castissimos limites profanæ ac nouellæ curiositatis libido non continet. Sed forsan odio nouitatis, & amore uetustatis hæc fingimus. Quisquis hoc æstimat, beato saltem credat Ambrosio, qui in secundo ad Imperatorem Gratianum libro, acerbiter tempore ipse deplorans ait: Sed iam satis, inquit, omnipotens Deus nostro exitio, nostroque sanguine, Confessorum necesse, exitia Sacerdotum, & nefas tantæ impietatis eluimus. Satis clauit, eos qui uiolauerint fidem, tutos esse non posse. Item in tertio eiusdem operis libro: Seruemus igitur, inquit, præcepta maiorum, nec hereditaria signacula ausi rudis temeritate uiolemus. Librum signatum illum propheticum non seniores, non potestates, non angeli, non archangeli aperire ausi sunt, soli Christo explanandi eius prerogatiua seruata est. Librum sacerdotalem quis nostrum designare audeat, signatum a Confessoribus, & multorum iam martyrio consecratum? Quem qui resignare coacti sunt, postea tamen damnata fraude signarunt, qui uiolare non ausi sunt. Confessores, & martyres extiterunt, quomodo fidem eorum possumus denegare, quorum uictoriam predicamus? Prædicamus plane, inquam, o uenerande Ambrosi, laudantesque miramur: nam quis ille tam demens est, qui eos, & si adsequi non ualeat, non exoptet sequi quos a defensione maiorum fidei nulla uis depulit? non minæ, non blādimenta, non uita, non mors, non palatiū,

non

non satellites, non Imperator, non imperium, nō ho-
mines, non demones. Quos, inquam, pro religiōis
uetustatis tenacitate tāto munere dominus dignos
iudicauit, ut per eos prostratas restauraret ecclesias,
extinctos spiritales populos uiuificaret, deiectas sa-
cerdotum coronas reponeret, nefarias illas nouellę
impietatis non literas, sed lituras, infuso cœlitus epī-
scopis fidelium lachrymarum fonte deleret. Vniuer-
sum postremò iam penè mundum, sœua repentinae
hæreseos tempestate perculsum, ad antiquā fidem,
à nouella perfidia ad antiquam sanitatem, à nouita-
tis uesania, ad antiquam lucem, à nouitatis cæcitate
reuocaret. Sed in hac diuina quadam cōfessionum
uirtute, illud est etiam nobis uel maximè cōsideran-
dum, quod tunc apud ipsam ecclesiæ uetustatem,
non partis alicuius, sed uniuersitatis ab ipsa est susce-
pta defensio: Neq; enim fas erat, ut tanti ac tales ui-
ri unius aut duorum hominū errabundas, sibiq; ip-
sis cōtrarias suspensiones tam magno molimine ad-
fererent, aut uerò pro alicuius prouincialē temeraria
quadam conspiratione certarent, sed omuium san-
ctæ ecclesiæ sacerdotum, apostolicæ & catholicæ
ueritatis, decreta & definita sectantes, maluerunt se
metipfos, quàm uetustæ uniuersitatis fidem prode-
re. Vnde & ad tantā gloriam peruenire meruerunt,
ut non solum confessores, uerumetiam confessorum
principes iure meritoq; habeantur. Magnum hoc
igitur eorundem beatorum exemplum. planeq; di-
uinum, & ueris quibusq; catholicis indefessa medi-
tatione recolendū, qui in modum septemplex can-
delabri, septena sancti spiritus luce radiantis, claris-
simam posteris formulam præmonstrarunt, quo-
nam modo deinceps per singula quæq; errorū ua-
niloquia, sacratæ uetustatis autoritate profanæ no-
uitatis

nitatis conteratur audacia. Nec hoc sanè nouum, siquidem mos iste semper in ecclesia uiguit, ut quo quisque floreret religiosior, eo promptius nouellis adinventionibus contrairer. Exemplis talibus plena sunt omnia. Sed ne longum fiat, unum aliquod, & hoc ab apostolica potissimum sede sumemus, ut omnes luce clarius uideant, beatorum apostolorum beata successio quanta ui semper, quanto studio, quanta contentione defenderit susceptæ semel religionis integritatem.

Agripinus Quodam igitur uenerabilis memoriæ Agripinus
iterati ba Carthaginensis episcopus, primus omnium morta
ptismi au- lium contra diuum canonem, contra uniuersalis ec
thor. clesiæ regulam, contra sensum omnium confacerdo
tum, cōtra morem atq; instituta maiorum rebapti
zandum esse censebat. Quæ præsumptio tātum ma
li inuexit, ut non solum hæreticis omnibus formam
sacrilegij, sed quibusdam catholicis occasionem præ
buerit erroris.

Cum et ego undiq; ad nouitatem rei cuncti reclama
rent, atq; omnes quaquauersum sacerdotes pro
suo quisque studio reniterentur, tunc beatæ memoriæ
papa Stephanus, apostolicæ sedis Antistes, cum ce
teris quidem collegis suis, sed tamē præ cæteris resti
cit, dignum ut opinor existimans, si reliquos omnes
tantum fidei deuotione uinceret, quantum loci au
thoritate superabat. Deniq; in epistola, quæ tunc
ad Aphricam missa est, & his uerbis sanxit, nihil no
uādum nisi quod traditum est. Intelligebat etenim
uir sanctus & prudens, nihil aliud rationem pieta
tis admittere, nisi ut omnia, qua fide à patribus su
scepta forent, eadem fide filiis consignarent, nosq;
religionem nō qua uellemus ducere, sed potius qua
illa duceret sequi oportere, idq; esse proprium chri
stianæ

stianæ modestiæ & grauitatis, non sua posteris tradere, sed amatoribus accepta seruare. *prebet nobis religio*

Quis ergo tunc uniuersi negotij exitus, quis utiq; *non nos religioni.*

nisi usitatus & solitus? Retenta est, scilicet antiquitas, explosa nouitas. Sed fortè tunc ipsi nouitiæ adinventioni patrocinia defuerunt. Imò uerò tanta uis ingenij adfuit, tanta eloquentiæ flumina, tantus adfertorum numerus, tanta uerisimilitudo, tanta diuinæ legis oracula, sed planè nouo ac malo more intellecta, ut mihi omnis illa conspiratio nullo modo destrui potuisse uideatur, nisi sola tanti moliminis causa illa suscepta, ipsa defensa, ipsa laudata nouitatis professio destituisset.

Quid postremo ipsius Africani concilij siue decreti, quæ uires donatistæ Deo, nulla sed uniuersa tantquam somnia, tantquam fabulæ, tantquam superflua, abolita, antiquata, calcata sunt. Et ô rerum mira conuersio, authores eiusdem opinio. catholici consecretatores uerò hæretici iudicantur: Absoluuntur magistri, condemnantur discipuli: conscriptores librorum filij regni erunt, assertores uerò gehenna suscipiet: Nam quis ille tam demens est, qui illud sanctorum omnium & episcoporum, & martyrum lumen beatissimum Cyprianum cum cæteris collegis suis *Cyprianus* in æternum dubitet regnaturum esse cum Christo? Aut quis tam contrà sacrilegus, q̃ Donatistas & cæte *Donatistæ* ras pestes, quæ illius auctoritate consilij rebaptizare se iactitant, in sempiternum neget arduos esse cū *rebaptizant.* diabolo? Quod q̃dem mihi diuinitus uidetur promulgatum esse iudicium, propter eorum maxime fraudulentiam, qui cum sub alieno nomine hæresim concinnare machinentur, captant plerunq; ueteris cuiuspiam uiri scripta, paulò inuolutius edita, quæ *Hæretico- rum uas* pro ipsa sui obscuritate dogmati suo quasi cōgruāt, *ut illud* *cies.*

ut illud nescio quid quodcunque proferunt, neque primi, neque soli sentire uideantur. Quorum ego ne quitiam duplici odio dignam iudico, uel eò quòd hæreseos uenenum propinare alijs non ptimeſcunt, uel eò etiam quod sancti cuiusque uiri memoriam tanquam sopitos iam cineres profana manu uentilant, & quæ silentio ſepeliri oportebat, rediuiua opinione diffamant: ſequentes omnino ueſtigia authoris ſui Cham, qui nuditatem uenerandi Noe, non modo operire neglexit, uerum quoq; irridendâ cæteris enunciauit. Vnde tantam læſæ pietatis meruit offenſam, ut etiam poſteri ipſius peccati ſui maledictis obligarentur, beatis illis fratribus, longeque diſſimilibus, qui nuditatem ipſam reuerendi patris neque ſuis temerare oculis, neque alienis patere uoluerunt. Sed auerſi ut ſcribitur texerunt eum. Quod eſt, erratum ſancti uiri nec adprobaffe, nec prodidiſſe, atque idcirco beata in poſteros benedictione donati ſunt. Sed ad propoſitum redeamus.

Magno igitur metu nobis immutatae fidei, ac temeratae religionis piaculum pertimeſcendum eſt, à quo nos non ſolum conſtitutionis eccleſiaſticae diſciplina, ſed etiam cenſura apoſtolicae deterret autoritatis. Scitum etenim cunctis eſt, quàm grauiſſe, quàm ſeuere, quàm uehementer inuehatur in quosdam beatus apoſtolus Paulus qui mira leuitate nimium cito tranſlati fuerant ab eo, qui eos uocauerat in gratiam Chriſti, in aliud euangel. quod non eſt aliud, qui coaceruarant ſibi magiſtros ad ſua deſideria, à ueritate quidem auditum auerſentes, conuerſi uero ad fabulas, habentes damnationem. Quid primam fidem irritam feciſſent, quos deceperant nō, de quibus ad Roma. fratres ſcribit idem Apoſto-

diffensiones et offendicula præter doctrinam quam
 ipsi didicistis faciunt, & declinate ab illis: huiusmo-
 di enim Christo domino non seruiunt, sed suo uen-
 tri, & per dulces sermones & benedictiones sedu-
 cunt corda innocentium. Qui intrant per domos,
 & captiuas ducunt mulierculas oneratas peccatis, I. Timo. 3.
 quæ ducuntur uarijs desiderijs, semper discentes, et
 ad scientiam ueritatis nunquam peruenientes, ua-
 niloqui & seductores, qui uniuerfas domos subuer-
 tunt, docentes quæ non oportet turpis lucri gratia,
 homines corrupti mentē, reprobi circa fidem, su-
 perbi, & nihil scientes, sed languētes circa quæstio-
 nes & pugnas uerborum, qui ueritate priuari sunt,
 existimantes quæstum esse pietatem, simul autem
 & otiosi discunt circumire domos, non solum autē
 otiosi, sed & uerboſi, & curioſi, loquentes quæ non
 oportet, qui bonam conscientiam repellentes circa
 fidem naufragauerūt. Quorum profana uaniloquia
 multum proficiunt ad impietatem, & sermo eorum
 ut cancer serpit. Bene autem quod de hīs item scri-
 bitur: sed ultra non proficiunt, insipientia enim eorū
 manifesta erit omnibus, sicut & illorum fuit. Cum
 ergo tales quidam circumeuntēs prouincias & ciui-
 rates, atque errores uenalicios circumferendo etiā
 ad Galatas deuenissent: cumq; his auditis Galatæ,
 nausea quadam ueritatis adfecti, apostolicæ, catho-
 licæq; doctrinæ manna remouentes hæreticæ noui-
 tatis sordibus oblectarentur, ita sese apostolicæ po-
 testatis exercuit autoritas, ut summa cum seuerita-
 te decerneret: Sed licet aut nos inquit, aut Angelus
 de cælo euangelizet uobis præterquam quod euan-
 gelizauimus uobis, anathema sit. Quid est quod
 ait, sed licet nos? Cur non potius, sed licet ego? Hoc
 est, etiam si Petrus, etiam si Andreas, etiam si Ioan-
 nes,

nes, etiam si postremo omnis Apostolorum chorus euangelizet uobis, præterquam quod euangelizauimus, anathema sit. Tremenda districtio propter adferendam primæ fidei tenacitatem, nec sibi nec cæteris Coapostolis pepercisse. Parum est etiam si angelus inquit, de cœlo euangelizet uobis, præterquam quod euangelizauimus, anathema sit. Non suffecerat ad custodiam traditæ semel fidei humanæ conditionis commemorasse naturam, nisi angelicâ quoque excellentiam comprehendisset: licet nos inquit, aut angelus de cœlo. Non quia sancti cœlestesque angeli peccare iā possint, sed hoc est quod dicit: si etiam, inquit, fiat quod non potest fieri, quis quis ille traditam semel fidem mutare tentauerit, anathema sit. Sed hæc forsitan perfunctorie præloquutus est, & humano potius effudit impetu, quam diuina ratione decreuit. Absit. Sequitur enim & hoc ipsum ingenti molimine iteratæ insinuationis inculcat: Sicut prædiximus inquit, & nunc iterum dico: Si quis uobis euangelizauerit præterquam quod accepistis anathema sit. Non dixit: si quis uobis annuntiauerit præterquam quod accepistis benedictus sit, laudetur, recipiatur, sed anathema sit inquit, id est separatus, segregatus, exclusus, ne unius ouis dirum cōtagium innoxium gregem Christi uenenta permissione contamine. Sed forsitan Galatis tantum ista præcepta sunt. Ergo & illa solis Galatis imperata sunt, quæ in eiusdem Epistolæ sequentibus commemorantur, qualia sunt hæc: Si uiuimus spiritu, spiritu & ambulemus: Nō efficiamur inanis gloriæ cupidi, inuicem prouocantes, inuicem inuidentes. Et reliqua. Quod si absurdum est, & omnibus ex æquo imperata sunt, restat ut sicut hæc morum mandata, ita etiam illa quæ de fide capta sunt

Anathema aliquæ fieri.

omnes

omnes pari modo cōprehēdāt: & sicut nemini licet
inuiçē prouocare, aut inuidere inuicem, ita nemini
liceat, præter id quod ecclesia catholica, usquequaq;
euangelizat accipere. Aut forsitan tunc iubebatur,
siquis adnuntiasset præterquam quod adnuntiātū
fuerat anathemari, nunc uero iam nō iubetur. Ergo
& illud quod item ibi ait: Dico autem spiritu ambu-
late, & desiderium carnis non perficietis. Tunc tan-
tum iubebatur modò uero iam non iubetur. Quod
si impium pariter & perniciosum est ita credere, ne-
cessariò sequitur, ut sicut hæc cunctis ætatibus ob-
seruanda sunt, ita illa, quoque quæ de non mutan-
da fide sancta sunt cunctis ætatibus imperata sint.
Adnuntiare ergo aliquid Christianis catholicis, præ-
ter id quod acceperunt, nunquam licuit, nusquam li-
cet. Num licebit & anathemare eos qui adnūcient
aliquid præterquam quod semel acceptum est: nun-
quam non oportuit, nusquam non oportet, nunquā
non oportebit. Quæ cum ita sint, est ne aliquis uel
tantæ audaciæ, qui præter id quod apud ecclesiam
adnuntiatum est, adnuntiet? Vel tantæ leuitatis, qui
præter id quod ab ecclesia accepit, accipiat? Cla-
met, & repetendo clamet, & omnibus, & semper,
& ubique per literas suas clamet ille, ille? Vas ele-
ctionis, ille magister Gentium, ille Apostolorum tu-
ba, ille terrarum præco, ille cœlorum conscius, ut si
quis nouum dogma adnuntiauerit, anathemeretur.
Et contra reclamant ranæ quædam, & cyniphes, &
muscæ morituræ, quales sunt Pelagianj, & hoc ca-
tholicis. Nobis inquit, authoribus, nobis princi-
pibus, nobis expositoribus damnate quæ teneba-
tis, tenete quæ damnabatis, reiñcite antiquā fidem,
paterna instituta, maiorum deposita, & recipite
quænam illa tandem? Horreo dicere, sunt enim tam
superba

*Quædā ſic
quidē refel
li ſine pia
culo ſatis
poſſunt.* ſuperba, ut mihi non modo adfirmari, ſed ne refel
li quidem ſine aliquo piaculo poſſe uideantur. Sed
dicet aliquis.

Cur ergo perſæpe diuinitus ſinuntur excellentes
quædam perſonæ in Eccleſia conſtitutæ, res nouas
catholicis adnuntiare? Recta interrogatio, & di
gna quæ diligentius atque uberius pertractetur,
cui tamen non ingenio proprio, ſed diuinæ legis
authoritate eccleſiaſtici Magiſtri documento ſa
tisfaciendū eſt. Audiamus ergo ſanctum Moſen, &
ipſe nos doceat cur docti uiri, & qui propter ſcien
tiæ gratiam, ab Apoſtolo etiam Prophetæ nun
cupantur, proferre interdum permittantur, noua
dogmata, quæ uetus teſtamentum allegorico ſer
mone deos alienos appellare conſueuit, eò quod ſci
licer ita ab hæreticis ipſorum ōpiniones, ſicut à gen
tilibus Dñ ſui obſeruentur. Scribit ergo in Deutero
nomio beatus Moſes: Si ſurrexerit, inquit, in me
dio tui Prophetæ, aut quis ſomnium uidiſſe ſe dicat:
Id eſt, magiſter in eccleſia conſtitutus, quem disci
puli uel auditores ſui ex aliqua reuelatione docere
arbitrentur. Quid deinde? Et prædixerit, inquit, ſi
gnum atque portentum, & euenerit quod loquu
tus eſt. Magnus proſecto nescio quis ſignificatur
magiſter, & tantæ ſcientiæ, qui ſectatoribus pro
prijs non ſolum quæ humana ſunt noſſe, uerū etiam
quæ ſupra hominem ſunt prænoſcere poſſe uidea
tur. Quales fere diſcipuli ſui iactitant fuiſſe Valenti
num, Donatum, Photinum, Apollinarem, cæte
roſq; eiufmodi. Quid poſtea? Et dixerit, inquit, ti
bi, eamus & ſequamur Deos alienos quos igno
ras, & ſeruiamus eis. qui ſunt Dñ alieni, niſi erro
res extranei quos ignorabas, id eſt, noui & inaudi
ti? & ſeruiamus eis, id eſt, credamus eis, ſequamur

eos. Quid ad extremum? Non audies, inquit, uerba Prophetę illius, aut Somniatoris. Et quare, oro, te à Deo non prohibetur doceri, quod adeo prohibetur audiri? Quia, inqt, tentat uos dominus Deus uester, ut palàm fiat, utrum diligatis eum an non in toto corde, & in tota anima uestra.

Luce clarius aperta causa est, cur interdum diuina prouidentia quosdam ecclesiarum magistros, non quædam dogmata prædicare patiatur, ut tētet uos dominus, inqt, deus uester. Et profecto magna tentatio est, cum ille quem tu Prophetam, quē prophetarum discipulum, quem doctorem & adsertorem ueritatis putes, quem summa ueneratione & amore complexus sis, is subito latēter noxios subinducat errores, quos nec cito deprehendere ualeas, dum antiqui magisterij ducis præiudicio, nec facile damnare ducis fas, dum magistri ueteris præpeditis affectu. Hic forsitan efflagitet aliquis, ut ea quæ sancti Mosei uerbis adserta sunt, ecclesiasticis aliquibus demonstrantur exemplis. Aequa expositio, nec diu differenda: Nam ut à proximis, & manifestis incipiam, qualem fuisse nuper tentationem putamus, cum infelix ille Nestorius, subito ex oue conuersus in lupum, gregem Christi lacerare cœpisset? cum eum hi ipsi qui rodebantur ex magna adhuc parte ouem crederent, ideoq; morsibus eius magis paterent. Nam quis eum facile errare arbitraretur, quem tanto imperij iudicio electum, tanto sacerdotum studio persecutum uideret? qui cū magno sanctorum a more, summo populi fauore celebraretur quotidie, palàm diuina tractabat eloquia, & noxios quoque Iudeorum & gentilium confutabat errores. Quo tandem isto modo non cuius fidē faceret se recta docere, recta prædicare, recta sentire? Qui

Hereses

quare christus exoritur

putiatur

ut uni hæresi suæ aditum patefaceret, cunctarum hæreseon blasphemias insectabatur. Sed hoc erat illud quod Moses ait: Tentat uos dominus Deus uester, si diligatis eum an non. Et ut Nestorium prætereamus, in quo plus semper admirationis quàm utilitatis, plus famæ quàm experientiæ fuit: quem opinione vulgi aliquandiu magnum humana magis fecerat gratia quam diuina. Eos potius commemoremus, qui multis profectibus, multaq; industria præditi, non paruæ tentationi catholicis hominibus extiterunt: uelut apud Pannonias maiorum memoria Photinus ecclesiam Sirmitanam tentasse memoratur, ubi cum magno omnium fauore in sacerdotium fuisset ascitus, & aliquandiu tanquam catholicus administraret, subito sicut malus ille Propheta, aut somniator, quem Moses significat, creditam sibi plebem Dei persuadere cœpit, ut sequeretur deos alienos, id est, errores extraneos, quos antea nesciebat. Sed hoc usitatum, illud uerò perniciosum, quod ad tantum nefas non mediocribus adminiculis utebatur: nam erat & ingenij uiribus ualens, & doctrinæ opibus excellēs, & eloquio præpotens: quippe qui utroque sermone copiose & grauiter disputaret, & scriberet, quod monumentis librorum suorum manifestatur, quos idem partim Græco, partim Latino sermone composuit. Sed bene, quod commissæ ipsi oues Christi multum pro catholica fide uigilantes & cautè cito ad præmonentis Mosis eloquia respexerunt, & Prophetæ atque pastoris sui licet admirarentur eloquentiam, tentationem tamen non ignorarunt: Nam quem antea quasi arietem gregis sequebantur, eundem deinceps uelut lupum fugere cœperunt. Neque solum Photini, sed etiam Apollinaris exemplo istius ecclesiasticæ tentationis periculum

*Nestorius
qualis.*

*Photinus
Pannonius.*

*Photinus
Græcos et
Latinos li-
bros scri-
ptos reli-
quit.*

*Apollina-
ris.*

culum discimus, & simul ad observandæ diligentius fidei custodiam commonemur: Etenim ipse auditoribus suis magnos actus, & magnas generavit angustias, quippe cum eos huc ecclesię traheret auctoritas, huc magistri retraheret consuetudo, sic inter utraque mutabundi & fluctuantes quid potius sibi seligendum foret non expediunt. Sed forsitan eiusmodi ille uir erat, qui dignus esset facile contemni. Imò uero tantus ac talis, cui nimium cito in plurimis crederetur. Nam quod illo præstantius acumine, exercitatione, doctrinâ? quam multas ille hæreses multis uoluminibus oppresserit, quot inimicos fidei confortauerit errores, inditio est opus illud. 30. non minus librorum nobilissimum & maxtimum, quo infamas Porphyrii calumnias magna probationum mole confudit. Longum est uniuersa ipsius opera commemorare, quibus profecto summis edificatoribus ecclesię par esse potuisset, nisi profana illa hæreticæ curiositatis libidine nouum nescio quid adinuenisset, quo & cunctos labores suos uelut cuiusdam lepræ admistione scædaret ut committeret & doctrina eius non tam ædificatio, quàm tentatio potius ecclesiastica diceretur. Hic à me forsitan deposcatur, ut horum quos supra commemorauì hæreses exponam, Nestorij, scilicet Apollinaris & Photini. Hoc quidem ad rem de qua nunc agimus non attinet: propositum etenim nobis non est singulorum errores persequi, sed paucorum exempla proferre, quibus euidenter ac perspicuè demonstretur illud quod Moses ait. Quia, scilicet si quando ecclesiasticus aliquis magister, & ipse interpretandis prophetarum mysterijs propheta, noui quiddam in ecclesiam Dei tentet inducere, ad tentationem id nostrâ fieri prouidentia diuina pariatur. Vtile igitur fuerit

Porphyrius.

in excursu, quid supra memorati hæretici sentiant, breuiter exponere, id est Photinus, Apollinaris, Nestorius. Photini ergo secta hæc est: Dicit Deum singulum esse & solitarium, & more Iudaico confitendum, trinitatis plenitudinē negat, neque ullam Dei uerbi, aut ullam spiritus sancti putat esse personam: Christum uero hominem tantummodo solitarium adserit, cui principium adscribit ex Maria, & hoc omnimodis dogmatizat, solam nos personam Dei patris, & solum Christum hominem colere debere. Hæc ergo Photinus. Apollinaris uero, in unitate quidem trinitatis quasi consentire se iactitat, & hoc ipsum non plena fidei sanitate, sed in Domini incarnatione aperta professione blasphematur: Dicit enim in ipsa Saluatoris nostri carne, aut animam humanam penitus non fuisse, aut certe talem fuisse, cui mens & ratio non esset. Sed & ipsam Domini carnem, non de sanctæ uirginis Mariæ carne susceptā, sed de cœlo in uirginem descendisse dicebat, eamque nutabundus semper & dubius, modo cœternam Deo uerbo, modo de uerbi diuinitate factam prædicabat: nolebat enim in Christo duas esse substantias: unam diuinam, alterā humanam, unam ex patre, alteram ex matre: sed ipsam uerbi naturam putabat esse discissam, quasi aliud eius permaneret in Deo, aliud uerò uersum fuisset in carnem, ut cum ueritas dicat ex duabus substantiis unum esse Christum: ille contrarius ueritati, ex una Christi diuinitate duas adserat factas esse substantias. Hæc itaque Apollinaris. Nestorius autem contrario Apollinari morbo, dum sese duas in Christo substantias distinguere simulat, duas introducit repente personas, & inaudito scelere duos esse uult filios Dei, duos Christos: unū Deum, alterum hominē: unum qui

*Photini se
cta.*

*Apollina-
ris scita.*

*Nestorij
error.*

qui ex patre, alterum qui sit generatus ex matre. Atque ideo adferit sanctam Mariam $\text{n}\bar{\text{o}} \text{θεότοκον}$, sed χριστότοκον esse dicendam: quia, scilicet ex ea non ille Christus qui Deus, sed ille qui erat homo natus sit. Quod si quis eum putat in literis suis unum Christum dicere, & unam Christi prædicare personam, non temere credat: aut enim istud fallendi arte machinatus est, ut per bona facilius suaderet & mala; sicut ait Apostolus. Per bonum mihi operatus est mortem. Aut ergo ut diximus, fraudulentia causa quibusdam in locis scriptorum suorum unum Christum, & unam Christi personam credere se iactitat: Aut certe post partum iam uirginis ita in unum Christum duas perhibet conuenisse personas, ut tamen conceptus, seu partus uirginei tempore, & aliquanto postea duos Christos fuisse contendat. Et cum, scilicet Christus homo communis primum & solitarius natus sit, & necdum Dei uerbi personæ unitate sociatus, postea in eum adsumptis uerbi persona descenderit: & licet nunc in Dei gloria maneat adsumptus aliquandiu, tamen nihil inter illum & ceteros homines interfuisse uideatur. Hæc ergo Nestorius, Apollinaris, Photinus aduersus catholicam fidem rabidi canes latrant: Photinus trinitatem non confitendo: Apollinaris conuertibilem uerbi dicendo naturam, & duas in Christo substantias non confitendo, & aut totam Christi animam, aut certe mentem atque rationem in anima denegando, & adferendo pro sensu mentis fuisse Dei uerbum: Nestorius duos Christos, aut semper esse, aut aliquandiu fuisse asseuerando. Ecclesia uero catholica, & de Deo, & de Salvatore nostro recta sentiens, nec in trinitate *Due substantie in* mysterio, nec in Christi incarnatione blasphematur: *Christo.* Nam & unam diuinitatem in trinitatis plenitu-

dine, & trinitatis æqualitatem in una atque eadem
maiestate ueneratur: & unum Christum Iesum, non
duos, eundemq; Deum pariter atque hominē con-
fiteretur: unam quidem in eo personam, sed duas sub-
stantias: duas subsistētiās, sed unam credit esse per-
sonam: duas substantias, quia mutabile non est uer-
bum Dei, ut ipsum uerteretur in carnem: unam per-
sonam, ne duos profitendo filios quaternitatem ui-
deatur colere, nō trinitatem. Sed operæpretium est,
ut id ipsum etiam atque etiam distinctius & expres-
sius enucleemus: In Deo una substātia, sed tres per-
sonæ: In Christo duæ substantiæ, sed una persona
In trinitate alius atque alius, non aliud atque aliud
In Saluatore aliud atque aliud, non alius atq; alius.
Quō in trinitate alius atq; alius, nō aliud atq; aliud?
Quia. s. alia est psona p̄ris, alia filij, alia spūs sancti.
Sed tñ patris & filij & spūs sancti non alia & alia,
sed una eadēq; natura. Quō in Saluatore aliud atq;
aliud, nō alius atq; alius? Qui uidelicet altera substā-
tia diuinitatis, altera humanitatis, sed tñ deitas &
humanitas non alter et alter, sed unus idemq; Xps,
unus idemq; filius Dei, & unius eiusdemq; Christi
& filij dei una eademq; persona. Sicut in hoīe aliud
caro, & aliud aīa, sed unus idēq; homo aīa et caro.
In Petro uel Paulo aliud aīa, aliud caro, nec tñ duo
Petri caro & anima, aut alter Paulus anima, & alter
caro, sed unus idemq; Petrus, unus, idemq; Paulus,
ex duplici diuersaq; subsistens animi corporisq; na-
tura. Ita igitur in uno eodemq; christo duæ substan-
tię sunt, sed una diuina, altera humana: una ex patre
Deo, altera ex matre uirgine: una coæterna & æqua-
lis Patri, altera ex tempore & minor Patræ: una cō-
substātialis Patri: altera cōsubstantialis matri: unus
tumen idemq; Christus in utraq; substantia. Non
ergo

Alius.

Aliud.

ergo alter Christus Deus, alter hō: non alter increa-
 tus, alter creatus: non alter impassibilis, alter passi-
 bilis: non alter æqualis Patri, alter minor Patri: non
 alter ex patre, alter ex matre, sed unus idemq; Chri-
 stus Deus & homo, idem non creatus & creatus,
 idem incommutabilis & impassibilis: idem com-
 mutatus & passus: idem Patri & æqualis & minor:
 idem ex Patre ante secula genitus: idem in seculo ex
 matre generatus: perfectus Deus, perfectus homo: *Plena xpi
 humani-
 tas.*
 in Deo summa diuinitas, in homine plena humani-
 tas: Plena, inquam, humanitas, quippe quæ animam
 simul habeat & carnem, sed carnem ueram nostrā,
 maternam: animam uero intellectu præditam, men-
 te ac ratione pollentem, Est ergo in Christo uerbū,
 anima, caro, sed hoc totum unus est Christus, unus
 filius Dei, & unus Saluator ac redemptor noster.
 Vnus autem non corruptibili nescio qua diuinitatis
 & humanitatis confusione, sed integra & singula-
 ri quadam unitate personæ: Neq; enim illa coniun-
 ctio alterum in alterum conuertit atq; mutauit, qui
 est proprius Arianorum, sed ita in unū potius utrun-
 que compegit, ut manente semper in Christo singu-
 laritate, unius eiusdemq; personæ, in æternum quoq;
 permaneat proprietas uniuscuiusq; naturæ: quod scili-
 cet nec unquam Deus corpus esse incipiat, nec ali-
 quando corpus esse desistat, quod etiam humanæ
 conditionis demonstratur exemplo. Neq; enim in
 præsentī tantum, sed in futuro quoq; unusquisq; ho-
 minū ex anima constabit et corpore, nec tamen un-
 quam aut corpus in animam, aut anima uertetur in
 corpus, sed unoquoque hominum sine fine uicturo,
 in unoquoq; hominum sine fine necessario utriusq;
 substantiæ differentia, permanebit. Ita in Christo
 quoque utriusq; substantiæ suæ cuique in æternum,

*Arianis cō-
 fundūt nā
 turas.*

proprietas, salua tamen p̄sonę unitate retinenda est. Sed cum personam sapius nominamus, & dicimus quod Deus persona homo factus sit, uehementer uerendum est, ne hoc dicere uideamur, quod Deus uerbum sola imitatione actionis quę sunt nostra suscepit, & quicquid illud est conuersationis humanę quasi adumbratus non quasi uerus homo fecerit. Sicut in theatris fieri solet, ubi unus plures effingit rep̄atę personas, quarum ipse nulla est: Quotiescunque etenim aliqua suscipitur imitatio actionis alienę, ita aliorum officia aut opera patrantur, ut tñ

Manichæi hi qui agunt non sint ipsi quos agunt. Neque enim ut uerbi gratia secularium & Manichæorum utamur exemplis, cum actor tragicus sacerdotem effingit, aut regem, sacerdos aut rex est: nam desinente actu simul & ea quę susceperat persona desistunt. Absit hoc à nobis nefarium sceleratũq; ludibriũ, Manichæorum sit ista dementia, qui ph̄tasię prædicatores, aiunt filium Dei Deum personam hominis non substantię extitisse, sed actu putatiuo quodam & conuersatione simulasse. Catholica uerò fides ita uerbum Dei hominem factum esse dicit, ut quę nostra sunt, non fallaciter & adumbratę, sed uerè expresseq; susciperet, & quę erant humana. non quasi aliena imitaretur, sed potius ut sua gereret, & prorsus quod agebat, hoc etiam quem agebat is esset. Sicut ipsi nos quoque in eo quod loquimur, sapimus, uiuimus, subsistimus, non imitamur homines, sed sumus: Neque enim Petrus & Ioannes, ut eos potissimum nominem, imitando erāt homines, sed subsistendo: Neque item Paulus simulabat Apostolum, aut fingeat Paulum, sed erat Apostolus, & subsistebat Paulus. Ita etiam Deus uerbum adsumendo, & habendo carnem, loquendo, faciendo,

patiēdo

patiēdo per carnem, sine ulla tñ suæ corruptione naturæ hoc omnino præstare dignatus est, ut hominem perfectum non imitaretur, aut fingeret, sed exhiberet, ut homo uerus non uideretur aut putaretur, sed esset atque subsisteret. Igitur sicut anima cōnexa, carni, nec in carnem tamē uersa, non imitatur hominem, sed est homo: & homo non per simulationem, sed per substantiam, ita etiam uerbum Deus absque ulla sui conuersione ueniendo se homini nō confundendo, non imitando factus est homo, sed subsistendo. Abijciatur ergo tota penitus personæ illius intelligentia, quæ fingendo imitatione suscipitur, ubi semper aliud est, & aliud simulatur, ubi ille qui agit nunquam is est quem agit. Absit etenim ut hoc fallaci modo deus uerbum personam hominis suscepisse credatur, sed ita potius, ut incōmutabili sua manente substantia, & in se perfecti hominis suscipiendo naturam, ipse caro, ipse homo, ipse persona hominis existeret, nō simulatoria sed uera: non imitativa, sed substantiua: nō deniq; q̄ cū actiōne desisteret, sed quæ prorsus in substantia permaneret. Hæc igitur in Christo personæ unitas nequaquam post uirginis partum, sed in ipso uirginis utero compacta atque perfecta est: Vehementer etenim præcauere debemus, ut Christum non modo unum, sed etiam semper unum confiteamur: quia intoleranda blasphemia est, ut etiā si nunc eū unum esse concedas, aliquando tamen nō unum, sed duos fuisse contendas, unum scilicet post tempus baptismatis, duos uerō sub tempore natiuitatis. Quod imensum sacrilegium non aliter profectō uitare poterimus, nisi unitum hominem Deo, sed unitate personæ, non ascensu uel resurrectione, uel baptismo, sed iam in matre, iam in utero, iam denique in ipsa uirginali

uirginali conceptione fateamur, propter quam personæ unitatem indifferenter ei atque promiscuè & quæ Dei sunt propria tribuuntur homini, & quæ carnis propria adscribuntur Deo. Inde est enim quod diuinitus scriptum est: Et filium hominis descendisse de cælo, & dominum maiestatis crucifixum in terra: Inde & etiā est ut carne domini facta, carne domini creata, ipsum uerbum dei factum, ipsa sapiētia dei impleta, scientia creata dicatur, sicut in præscientia manus ipsius & pedes fossi esse referuntur. Per hanc, inquam, personæ unitatem, illud quoque similis mysterij ratione perfectum est, ut carne uerbi ex integra matre nascente, ipse Deus uerbum natus ex uirgine catholicissimè credatur, impijssimè denegetur. Quæ cum ita sint, absit ut quisdam sanctam Mariam diuinæ gratiæ priuilegijs ut speciali gloria fraudare conetur: Est enim singulari quodam domini ac Dei non filij autem sui munere uerissimè ac beatissimè θεότοκος conficienda. Sed non eo modo θεότοκος quo impia quædam heresis suspicatur, quæ adserit eam Dei matrem sola appellatione dicendam, quæ cum, scilicet pepererit hominem, qui postea factus est Deus, sicut dicimus præbyteri matrem, aut episcopi matrem, non iam presbyterum aut episcopum pariendo, sed cum generando hominē, qui postea presbyter uel episcopus factus est. Non ita, inquam sancta Maria θεότοκος, sed ideo potius, quoniam ut supra dictum est, iam in eius sacro utero sacrosanctum illud mysterium perpetratum est, quod propter singularem quandam atque unicam personæ unitatem, sicut uerbum in carne caro, ita homo in deo Deus est. Sed iam ea quæ de supra memoratis hæresibus, uel de catholica fide breuiter uicta sunt, renouandæ causæ memoriæ breuius stric-
ctiusq;

Maria,
 θεότο
 κος.

ctiusq; reperamus, quo, scilicet & intelligantur iterata plenius, & firmitus inculcata teneantur. Anathema igitur Phorino, non recipienti plenitudinē trinitatis, & Christum hoīem tantummodo solitarium p̄dicanti. Anathema Apollinari, adserenti in Xpō cōuersę diuinitatis corr̄uptionē, & auferenti p̄fectę humanitatis proprietatem. Anathema Nestorio, neganti ex uirgine Deum natum, adserenti duos Christos, & explosa trinitatis fide quaternitatem nobis introducēti. Beata uero catholica ecclesia, quę unū Deum in trinitatis plenitudine, & item trinitatis æqualitatem in una diuinitate ueneratur, ut neque singularitas substantiæ personarum confundat proprietatem, neq; item trinitatis distinctio unitatē separet deitatis. Beata inquam ecclesia, quę in Christo duas ueras perfectasq; substantias, sed unā Christi credit esse personam, ut neq; naturarū distinctio unitatem personæ diuidat, neq; item personæ unitas differentiam confundat substantiarum. Beata inquā ecclesia, quę ut unum semper Christum & esse & fuisse fateatur, unitum hominem Deo non post partum, sed iam in ipso matris utero, confitetur. Beata inquam ecclesia, quę Deum factum hominem non conuersione naturæ, sed personæ ratione intelligit, personæ autem non simulatoriæ & transeuntis, sed substantiæ ac permanētis. Beata inquam ecclesia, quę hanc personæ unitatem tantā uim habere prædicat, ut propter eam miro ineffabiliq; mysterio & diuina homini, & Deo adscribat humana: Nam propter eam & hominem de cœlo secundum Deū descendisse non abnegat, & deum secundum hominē credit in terra factum, passum, & crucifixum. Propter eam deniq; & hominem Dei filium, & Deum filium uirginis, confitetur. Beata igitur ac uenerāda, benedicta

benedicta & sacrosancta, & omnino supernæ, illi angelorum laudationi comparanda confessio, quæ unum dominum Deum trina sanctificatione glorificat. Idcirco etenim uel maxime unitatē Christi prædicat, ne mysterium trinitatem excedat. Hæc in excursu dicta sint, alias si Deo placuerit, uberius tractanda, explicanda. Nunc ad propositū redeamus: Dicebamus ergo in superioribus, quod in ecclesia Dei tentatio esset populi error magistri, & tāto maior tentatio, quanto ipse esset doctior qui erraret. Quod primum scripturæ autoritate, deinde ecclesiasticis docebamur exemplis, eorum scilicet commemoratione, qui cum aliquandiu sanæ fidei forent habitī, ad extremum tamen aut in alienam decidissent sectam, aut ipsi suam hæresim condidissent. Magna profecto res, & ad discendum utilis, & ad recolendum necessaria, quam etiam atq; etiam exemplorum molibus illustrare atq; inculcare debemus, ut omnes fere catholici nouerint se cum ecclesia doctores recipere, non cum doctoribus ecclesiæ fidem deserere debere. Sed ego ita arbitror, q̃ cum multos in hoc tentandi genere proferre ualeamus, nemo pene sit, qui Origenis tentationi ualeat comparari, in quo plura adeo præclara, adeo singularia, adeo mirra extiterunt, ut inter initia habendam cunctis adserutionibus eius fidem qui uis ille facile iudicaret. Nā si uita facit autoritatem magna illi industria, magna pudicitia, patientia, tolerantia. Si genus uel eruditio quid eo nobilius, qui primum in ea domo natus est, quæ est illustrata martyrio? Deinde pro Christo nō solum patre, sed omni quoq; facultate priuatus, tantum inter sanctæ paupertatis profecit angustias, ut pro nomine dominicæ confessionis sepius, ut ferunt, affligeretur. Neq; uero hæc in illo sola erant, quæ cuncta postea

Cum ecclesie doctrinæ afferenda.

Origenis familia, eruditio.

Et postea tentationi forent, sed tanta etiam uis ingenij tam profundi tam acris, tam elegantis, ut omnes pene multum longeque superarint: tanta doctrinae ac totius eruditionis magnificentia, ut pauca forent diuinae, pene fortasse nulle humanae philosophiae, quae non penitus adsequeretur cuius scientiae: Cum Graeci non crederent, Hebraei quoque elaborata sunt. Eloquentiam uero quid memorem? cuius fuit tam amoenae, tam laetae, tam dulcis oratio, ut mihi ex ore ipsius non tam uerba, quam mella quaedam fluxisse uideantur. Quae non ille persuasus difficilia disputandi uiribus elimpidauit? Quae factu ardua non ut facillima uiderentur effecit? Sed forsitan argumentorum tantummodo nexibus adserciones suas texuit. Immo plane nemo unquam magistrorum fuit, qui pluribus diuinae legis uteretur exemplis. Sed credo pauca conscripsit. Nemo mortalium plura, ut mihi sua omnia non solum perlegisse, sed ne inueniri quidem posse uideantur. Cui ne quicquam ad scientiae instrumenta deesset, etiam plenitudo exabundauit etatis. Sed forsitan discipulis parum felix. Quis unquam felicior? Nepe innumeri ex sinu suo doctores, innumeri sacerdotes, confessores & martyres extiterunt. Iam uero quanta apud omnes illius admiratio, quanta gloria, quanta gratia fuerit, quis exequi ualeat? Quis non ad eum paulo religiosior ex ultimis mundi patribus aduolauit? quis Christianorum non pene ut prophetarum? Quis philosophorum non ut magistrum ueneratus est? Quam autem non solum priuatae conditio *Mammae* ni, sed ipsi quoque fuerit reuerendus imperio, declarant *Origenem* historiae quae eum a matre Alexandri imperatoris ac *ad se aile-* citum ferunt, coelestis utique sapientiae merito, cuius *xit.* & ille gratia & amore illa flagrabat. Sed & eiusdem Epistolae testimonium perhibet, quae ad Philippum

imperatorem, qui primus Romanorum principum Christianus fuit, Christiani magisterij authoritate conscripsit, de cuius incredibili quadam scientia. si quis referentibus nobis Christianum non accipi testimonium, saltem testificantibus philosophis gentilem recipiat confessionem. At nancq; impius ille Porphyrius, excitum se fama ipsius Alexandriae puerum fere perrexisse, ibiq; eum uidisse iam senem, sed plane talem tantumq; qui arcem totius scientiae condidisset. Dies me citius defecerit, quam ea quae in illo uiro praecleara extiterunt, uel ex minima saltē parte perstringam, quae tamen omnia non solum ad religionis gloriam, sed etiam ad tentationis magnitudinem pertinebant. Quotus enim quisq; tanti ingenij, tante doctrinae, tantae gratiae uirum aut facile deponeret, ac non illa potius uteretur sententia, se cum Origene errare malle, quam cum alijs uera sentire? Et quid plura? eo res decidit, ut tantae personae, tanti doctoris, tanti prophetae, non humana aliqua, sed ut exitus docuit, nimium periculosa tentatio plurimos a fidei integritate deduceret. Quam ob rem hic idē Origenes tantus ac talis, dum gratia Dei insolētius abutitur, dum ingenio suo nimium indulget, sibiq; satis credit, cum paruipendit antiquam christianae religionis simplicitatem, dum se plus cunctis sapere praesumit, dum ecclesiasticas traditiones & ueterū magisteria contemnens, quaedam scripturarum capitula nouo more interpretatur, meruit ut de se quoq; ecclesiae dei diceretur. Si surrexerit in medio tui propheta. Et paulo post: non audies, inquit, uerba, prophetae illius. Et item: Quia, inquit, tentat uos dominus Deus uester, utrum diligatis eum an non. Vere non solum tentatio, sed etiam magna tentatio, deditam sibi atq; in se pendente ecclesiam admiratione ingenij,

Hierony.
mi haec fu
it uox.

ingenij, scientię, eloquentię, conuersationis & gratię,
 nihil de se suspicantem, nihil se uerentem, subito a ue-
 teri religione in nouam profanitatem sensim paula-
 timq; traducere. Sed dicet aliquis, corruptos esse
 Origenis libros. Non resisto, quin potius & malo: *Origenis*
 Nam id a quibusdam & traditum, & scriptum est, *libros cor-*
 non catholicis tantum, uerum etiam hæreticis. Sed *ruptos.*
 illud est quod nunc debemus aduertere, & si non
 ipsum, libros tamen sub nomine suo editos magnæ
 esse tentationi, qui multis blasphemiarum uulnerib.
 scatentes, non ut alieni, sed quasi sui & leguntur &
 amantur: ut & si in errore concipiendo Origenis nō
 fuit sensus, ad errorem tamē persuadendum Orige-
 nis authoritas uidere uideatur. Sed & Tertulliani
 quoq; eadem ratio est: nam sicut ille apud Græcos,
 ita hic apud Latinos nostrorū omnium facile prin-
 ceps iudicandus est. Quid enim hoc uiro doctius?
 Quid in diuinis atq; humanis reb⁹ exercitatus? Nē- *Tertullia-*
 pe omnem philosophiam, & cunctas philosophorū *ni eruditio*
 sectas, authores, adsertoresq; sectarū, omnesq; eo-
 rum disciplinas, omnem historiarum ac studiorum
 uarietatem mira quadam mentis capacitate com-
 plexus est: Ingenio uero nonne tam graui ac uehemē-
 ti excelluit, ut nihil sibi pene ad expugnandum pro-
 posuerit, quod non aut acumine intuperit, aut pon-
 dere eliserit? Iam porro oratiōis suæ laudes quis ex-
 qui ualeat? quæ tanta, nescio qua rationum neces-
 sitate conferta est, ut ad consensum sui, quos suadere
 non potuerit, impellat: cuius quot pene uerba, tot
 sententiæ sunt: quot sensus, tot uictoriæ. Sciunt hoc
 Marciones, Apelles, Praxeę, Hermogenes, Iudæi,
 Gentiles, Gnostici, ceteriq; quorum ille blasphemias
 multis ac magnis uoluminum suorum molibus,
 uelut quibusdam fulminibus euertit. Et tamen hic
 quoq;

*Tertullia-
nus mōta
ni somnia
probat.*

*Germa-
nus Chri-
stianus
quis.*

quoque post hæc omnia, hinc inquam Tertullianus ca-
tholici dogmatis. i. uniuersalis ac uetustę fidei parū
tenax, ac disertior multo quam felicior, mutata de-
inceps sententia fecit ad extremum quod de eo bea-
tus confessor Hilarius quodam loco scribit: Sequē-
ti, inquit, errore detraxit scriptis probabilibus auto-
ritatem. Et fuit ipse quoque in ecclesia magna tenta-
tio. Sed de hoc nolo plura dicere. Hoc tantum com-
memorabo, quod contra Moyse præceptum exurgen-
tes in ecclesia nouellas Montani furias, & insana il-
la insanarum mulierū nouitij dogmatis somnia ue-
ras prophetias adseuerando, meruit ut de se quoque
& scripturis suis diceretur: si surrexerit in medio tui
propheta. Et mox: Non audies uerba prophetę illius.
Quare? Quia, inquit, tentauos dominus uester,
utrum diligatis eum an non. His igitur tot ac tātis,
cæterisque eiusmodi ecclesiasticorum exemplorum
molibus euidenter aduertere, & secundum Deutero-
nomij leges luce clarius intelligere debemus, quod si
quando aliquis ecclesiasticus magister a fide aber-
rauerit, ad tentationem id nostram fieri prouidentia
diuina patiatur, utrum diligamus Deum an non in
toto corde, et in tota anima nostra. Quæ cum ita sint,
ille est uerus, & germanus, & catholicus, qui uerita-
tem Dei, qui ecclesiā, qui Christi corpus diligit, qui
diuinę religioni, qui catholicę fidei nihil præponit,
non hoīs cuiuspiam autoritatem, non amorem, non
ingenium, non eloquentiā, non philosophiā: sed hæc
cuncta despiciens, & in fide fixus, stabilis permanens,
quicquid uniuersaliter antiquitus ecclesiam catholi-
cam tenuisse cognouerit, id solum sibi tenendū cre-
dendumque decernit. Quicquid uero ab aliquo deinceps
uno præter omnes, uel contra oēs sanctos no-
uum & inauditū sub induci senserit, id non ad religio-
nem,

nem, sed ad tentationem potius intelligat pertinere. Tum precipue beati apostoli Pauli eruditus eloquijs, hoc est. n. qđ in prima ad Corinthios scribit: Oportet, inquit, & hæreses esse, ut probati manifesti fiant in vobis, Ac si diceret: Ob hoc, inquit, hæreses non statim diuinitus eradicantur autores, ut p̄bati manifesti fiant. i. unusquisque quam tenax, & fidelis, & fixus sit catholicæ fidei sit amator appareat. Et reuera cū quęquē nouitas ebullit, statim cernitur frumentorum grauitas, & leuitas palearū: tunc sine magno molimine excutitur ab area, qđ nullo pōdere intra arē tenebatur: Namq̄ alij ilico prorsus auolant, alij uero tantūmodo excussi, & perire metuunt, & redire erubescūt, sauci, seminēces, ac semiuui: quippe qui tantam ueneni hauserint quātitatem, quæ nec occidat, nec digeratur: nec mori cogat, nec uiuere sinat. Heu miseranda conditio, quātis illi curarū æstibus, quantis turbinibus exagitantur? Nunc etenim qua uetus impulerit incitato errore rapiuntur: nunc in semetipsos reuersi tanq̄ contrarij fluctus reliduntur: nunc temeraria præsumptione & ea quæ incerta uidentur, adprobant: nunc irrationali metu ēt quæ certa sint expauescūt, incerti quæ eant, quæ redeant, qui adpetant, qđ fugiant, quid teneant, qđ dimittant. Quæ qđem dubij & malependuli cordis afflictio diuina erga se miserationis est medicina si sapiant. Idcirco etenim extra tutissimum catholicę fidei portum diuersis cogitationum, quatuntur, uerberant, ac penē necantur pcellis, ut excussa in altum elate mentis uela deponant, q̄ male nouitatū uentis expanderant, seseq̄ intra fidissimā stationem placide ac bonę matris reducant, et teneāt: atq̄ amaros illos turbulentosq̄ errorū, fluctus primitus reuomāt, ut possint deinceps uiuē & salientis aquę fluentia potare. Dedi-

ſcant bene qđ didicerāt non bene, & ex toto eccleſie dogmate qđ intellectu capi pōt, capiant: qđ non pōt, credant. Quę cum ita ſint, iterū atq; iterū eadē mecū reuoluens et reputās, mirari ſatis nequeo tantam quorundam hominū uāſaniam, tantam excæcatę mentis impietatem, tantam poſtremo errandi libidinem, ut cōtenti non ſint, tradita & recepta ſemel antiquis credēdi regula, ſed noua ac noua in diem quęrant, ſemperq; aliqd geſtiant religioni addere, mutare, detrahere: Quasi non cœleſte dogma ſit, qđ ſemel reuelatum eſſe ſufficiat, ſed terrena inſtitutio, quę aliter p̄fici niſi aſſidua emendatione, imō potius reprehentione non poſſet: cum diuina clamēt oracula. Ne trāſſeras terminos quos poſuerunt patres tui. Et: Sup̄ iudicātem ne iudices, et ſciudentem ſepem mordebit eum ſerpens. Et illud Apoſtolicū quo omnes oīum hereſeon ſclerate nouitates, uelut quodam ſpiritali gladio ſepe truncatę ſempq; truncandę ſunt: O Timothee de poſitum cuſtodi, deuitans p̄ſanas uocum nouitates, & oppoſitiones falſi nominis ſciētię, quam qđam p̄mittentes circa fidē exciderunt. Et poſt hęc inueniuntur aliqui tanta inueteratę frontis duriſſima, tāta impudētię incude, tam adamantine p̄tinacię, qui tantis eloquijs cœleſtiū molibus non ſecumbant, tantis pōderibus non fatiſcant, tantis malleis non conquaſſentur, tantis poſtremo fulminibus non conterantur. Deuita, inqt, p̄ſanas uocum nouitates: Nō dixit antiquitates. nō dixit uetustates, imō planē qđ ecōtrario ſequeretur oſtendit: Nam ſi uitanda eſt nouitas, tenēda eſt antiquitas: & ſi p̄ſana eſt nouitas, ſacrata eſt uetustas. Et oppoſitiones, inqt, falſi nominis ſciētię. Verē falſum nomen apud doctrinas hereticorū, ut ignorātia ſciētię, & caligo ſerenitatis, & tenebrę luminis appellatione

pellatione fucentur. Quam qdam, inqt. pmittentes circa fidem exciderūt. Quid pmittentes exciderūt? Nisi nouam nescio quam ignoratamq; doctrinam. Audias etenim quosdam ipsos dicere: Venite o insipientes & miseri, quulgo catholici uocitamini, & discite fidem uerā, quā prater nos nullus intelligit, quę multis ante seculis latuit, nuper uero' reuelata & ostensa est, sed discite furtim atq; secretim, delectabit. n. uos. Et item: Cum didiceritis latenter, docete ne mundus audiat, nec ecclesia sciat: paucis nāq; cōcessum est tāti mysterij capere secretum. Nōne hęc uerba sunt illius meretricis, quę apud Salomonis' puerbia uocat ad se ptereuntes uiam, qui dirigūt iter suum. Qui est, inqt, uestrum insipientissimus diuertat ad me. Inopes aut sensu exhortatur, dicēs: Panes occultos libēter attingite, et aquam dulcem furtim bibite. Quid deinde? At ille, inqt, nescit quō terrigenę apud eam pereant. Qui sunt isti terrigenę? Expo nat Apostolus. Qui circa fidem, inqt, exciderūt Sed opere pretium est totum ipsum Apostoli capitulum diligentius ptractare: o' Timothee, inqt, depositum custodi, deuitans pfanas uocum nouitates. O, ex clatio ista et pscientia est pariter et charitatis: Pre uidebat. n. futuros, quos ēt pdolebat errores. Quis est hodie Timotheus? Nisi uel generalr uniuerſa ecclesia, uel specialr totū corpus Prepositorū, qui integrā diuini cultus scientiā uel habere ipsi debēt, uel alijs infundere. Quid est depositū custodi? Custodi, inqt, ppter fures, ppter inimicos, ne dormientibus hominibus superseminent zizania, super illud tritici bonum semē, quod seminauerat filius hominis in agro suo. Depositum, inquit, custodi. Quid est depositū? Id est, quod tibi creditum est, non quod à te inuentum: quod accepisti, non quod excogitasti. rem non

ingenij, sed doctrinæ: non usurpationis priuatæ, sed publicæ traditionis: rem ad te perductam, non à te prolatam: in qua non autor debes esse, sed custos, non institutor, sed sectator: non ducens, sed sequens.

Talentum cuiq; traditum custodiendum. Deposito, inquit, custodi catholicæ fidei talentū inuiolatum, illibatūq; conserua. Quod tibi creditum est, hoc penes te maneat, hoc à te tradatur. Aurum accepisti, aurum redde: nolo mihi pro alijs alia subiicias, nolo pro auro aut impudenter plumbum, aut fraudulenter æramenta supponas: nolo auri speciem, sed naturā planè. O Timothee, ô sacerdos, ô tractator, ô doctor, si te diuinum munus idoneum fecerit, ingenio, exercitatione, doctrina esto spiritalis tabernaculi Beselehel, preciosas diuini dogmatum gemmas exculpe, fideliter coapta, adorna sapienter, adijce splendorem, gratiam, uenustatem. Intelligatur te exponente illustrius, quod antea obscurius credebatur. Per te posteritas intellectum gratuletur, quod ante uetustas non intellectum uenerabatur:

Exod. 36. eadem tamen quæ didicisti doce, ut cum dicas nouè, nō dicas noua. Sed forsitan dicit aliquis: Nullus, ne ergo in ecclesia Christi profectus habebitur religionis? Habeatur planè & maximus: Nā q̃s ille est tā inuidus hominibus, tam exosus Deo, qui istud prohibere conetur? Sed ita tamen, ut uerè profectus sit ille fidei, non permutatio: siquidem ad profectū pertinet, ut in semetipsa una quæque res amplifcetur: Ad permutationem, uerò, ut aliquid ex alio in aliud transuertatur. Crescat igitur oportet, & multum uehementerque proficiat tam singulorum, q̃ omnium: tam unius hominis, quā totius ecclesiæ ætatum ac seculorum gradibus intelligentia, scientia, sapientia: sed in suo duntaxat genere, in eodem scilicet dogmate, eodem sensu, eadēque sententia: Imitetur

Nouè, non noua dicenda.

tetur animarum religio rationem corporum, quæ si
cet annorum processu numeros suos euoluât, & ex-
plicent, eadem tamen quæ erant permanent. Mul-
tum interest inter pueritiæ florem, & senectutis ma-
turitatem: sed hîdem ipsi sînt senes, qui fuerant adole-
scentes: ut quamuis unius eiusdémque hominis sta-
tus habitusq; mutetur, una tamen nihilominus ea-
demq; natura, una eademq; persona sit. Parua Pæ-
ctentium mēbra, magna iuuenum: eadem ipsa sunt,
tamen quot paruulorum artus, tot uirorum: & si-
quā illa sunt, quæ æui maturioris ætate pariuntur,
iam in seminis ratione proferta sunt, ut nihil nouum
postea pferatur in senibus, quod non in pueris iam
antè latitauerit. Vnde non dubium, est hanc esse le-
gitimā & rectam proficiendî regulam, hunc ratum
atque pulcherrimum crescendi ordinem, si eas sem-
per in gradioribus partes ac formas numerus dete-
xat ætatis, quas in paruulis creatoris sapientia præ-
formauerat. Quòd si humana species in aliquā dein-
ceps non sui generis uertatur effigiem, aut certè ad-
datur quippiam membrorū numero, uel detrahât,
necesse est ut totum corpus uel intercidad, uel pro-
digiosum fiat, uel certè debilitetur: Ita etiam Chri-
stianæ religionis dogma, sequatur has decet profe-
ctuum leges, ut annis scilicet cōsolidetur, dilatetur,
tempore, sublimetur ætate, incorruptum tamen il-
libatumq; permaneant. Et uniuersis partium suarum
mensuris, cunctisq; quasi membris ac sensibus pro-
prijs plenum atq; perfectum sit, quod nihil præte-
rea permutationis admittat, nulla pprietatis dispen-
dia, nullam definitionis sustineat uarietatem. Exem-
pli gratia. Seuerūt maiores nostri antiquitus in hac
ecclesiastica segete triticeæ fidei semina, iniquū ual-
de & incongruum est, ut nos eorum posterî pro

germana ueritate frumenti subdititium zizaniae eligamus errorem. Quin potius hoc rectum & consequens est, ut in primis atque extremis libimet non discrepantibus, de incrementis triticeae institutionis, triticei quoque dogmatis frugem demetamus: ut cum aliquid ex illis seminum primordiis accessu temporis euoluatur, & nunc laetetur & excolatur: nihil tamen de germinis proprietate mutetur, addatur licet species, forma, distinctio, eadem tamen cuiusque generis natura permaneat. Absit etenim, ut rosea illa catholici sensus plantaria in carduos spinasque uertantur. Absit, inquam, ut in isto spiritali paradiso, de cynamomi, & balsami surculis, loliū repente, atque aconita proueniant. Quodcunque igitur in hac ecclesia Dei agricultura fide patrum satum est, hoc idem si liorum industria decet excolatur, & obseruet, hoc idem flore ætate maturescat, hoc idem proficiat, & perficiatur. Fas est etenim ut prisca illa coelestis philosophiae dogmata processu temporis excurentur, limentur, poliantur. Sed nefas est ut commutentur, nefas ut detruncetur, ut mutilentur. Accipiant licet euidenciam, lucem, distinctionē, sed retineant necesse est plenitudinem, integritatem, proprietatē: Nā si semel admissa fuerit hæc impiae fraudis licentia, horreo dicere quantum excindenda, atque abolenda religionis periculum consequatur: Abdicata etenim qualibet parte catholici dogmatis, alia quoque atque itē alia, ac deinceps alia et alia iam quasi ex more & licito abdicabuntur. Porro autem singulatim partibus repudiatis, quid aliud ad extremum sequetur, nisi ut totum pariter repudiatur? Sed & econtrā, si nouitia ueteribus, extranea domesticis, & pphana sacris admisceri coeperint, proserpat hic mos in uniuersum necesse est, ut nihil post hac apud ecclesiam

ecclesiam relinquatur intactum, nihil illibatum, nihil in-
 tegrum, nihil immaculatum, sed sit ibidem deinceps
 impiorum ac turpium errorum lupanar, ubi erat an-
 tea castæ & incorruptæ sacrariū veritatis. Sed auer- *Ecclesie*
 rat hoc à suorum mētibus nefas diuina pietas, sitq; *officium*
 hic potius impiorum furor. Christi uerò ecclesia se-
 dula & cauta depositorum apud se dogmatum cu-
 stos. Nihil in his unq; permutat, nihil minuit, nihil
 addit, nō amputat necessaria, non adponit supflua,
 non amittit sua, non usurpat aliena, sed omni indu-
 stria hoc unū studet, ut uetera fideliter sapienterq;
 tractando, siqua illa sunt antiquitas informata, &
 inchoata accurret, & poliat: siqua iam expressa &
 enucleata, consolidet, firmet: siqua iam confirmata
 & definita, custodiat. Deniq; qd unquam aliud con-
 cilioꝝ decretis enisa est, nisi ut quod antea simplici-
 ter credebatur, hoc idem postea diligētius credere-
 tur: quod antea lentius p̄dicabatur, hoc idem postea
 instātius p̄dicaretur: quod antea securius coleba-
 tur, hoc idē postea solicius excoleretur. Hoc, in-
 quam, semper, neq; quicquam præterea, hæreticoꝝ
 nouitatibus excitata concilioꝝ suorum decretis ca-
 tholica perfecit ecclesia, nisi ut quod prius à maio-
 ribus sola traditione susceperat, hoc deinde poste-
 ris etiā per scripturæ chirographum cōsignaret: ma-
 gnā rerum summā paucis literis comprehēden-
 do, & plerunq; ppter intelligentiæ lucem, non no-
 uum fidei sensum nouæ appellationis p̄prietate si-
 gnando. Sed ad Apostolum redeamus: O Thimo- *Timo. 6.*
 thee, inquit, depositum custodi, deuitans p̄phanas
 uocum nouitates. Deuita, inquit, quasi uiperā, quasi
 scorpionem, quasi basiliscum, ne te nō solum tactu,
 sed etiam uisu afflatuq; percutiant. Quid est deuita-
 re? Cum huiusmodi nec cibum sumere. Quid est de-

uita? Siquis, inquit, uenit ad uos, & hanc doctrinam non adfert. Quam doctrinā, nisi catholicam, & uniuersalem? & unam eademq; per singulas ætatu successiones incorrupta ueritatis traditione manentem, & usq; in secula sine fine māsram? Quid tum? Noli te, inqt, recipere eum in domū, nec aue ei dixeritis: qui. n. dicit illi aue, cōicat operibus eius malignis.

*Prophanas
nouitates.*

Prophanas, inqt, uocum nouitates. Quid est prophanas? Quæ nihil habent sacri, nihil religiosi, ab ecclesiæ penetralibus, quæ est templū Dei, penitus extraneas: Prophanas, inqt, uocū nouitates: Vocū, id est, dogmatum, rerum, sententiarū nouitates, quæ sunt uetustati, quæ antiquitati contrariæ. Quæ si recipiantur, necesse est ut fides Beatorū patrum, aut tota, aut certè magna ex parte uiolētur: Necesse est ut omnes omniū ætatum fideles, omnes sancti, oēs casti, cōtinentes uirgines, omnes clerici, læuite & sacerdotes, tanta confessorū millia, tanti martyrum exercitus, tanta urbiū, tanta populorū celebritas & multitudo, tot insulæ, puinciæ, reges, gentes, regna, nationes, totus postremo iam penè terrarū orbis, per catholicam fidem Christo capiti incorporatus, tanto seculorū tractu ignorasse, errasse, blasphemasse, nescisse quid crederet, pnunciatur: Prophanas, inqt, uocum nouitates deuota. Quas recipere atq; sectari nunquam catholicorū, semper uerò hæreticorum fuit. Et reuera, quæ unquā hæresis, nisi sub certo nomine, certo loco, certo tpe ebulliuit? Quis unquam hæreses instituit, nisi qui se prius ab ecclesiæ catholicæ uniuersitatis & antiquitatis consensione discreuerit? Qd̄ ita esse luce clarius exempla demonstrāt.

Pelagius

Quis enim unquam ante pphanum illum, Pelagium tantam uirtutem liberi præsumpsit arbitrij, ut ad hoc in bonis rebus per actus singulos ad iuuan-

dum

dum necessariam Dei gratiam non putaret? Quis ante p̄digiosum discipulum eius Celestium, reatu Celestius præuaricationis Adæ omne humanum genus dene gavit adstrictum? Quis ante sacrilegum Ariū, trinitatis unitatem discindere? q̄s ante sceleratum Sabel Sabellius, unitatis trinitatē confundere ausus est? Quis Novatia. ante crudelissimum Novatianum, crudelem Deum nus. dixit, eò q̄ mallet mortem moriētis, quàm ut reuer tatur et uiuat? Quis ante magum Simonem, Apосто Simon ma lica districtione pcussum, à quo uetus ille turpitudi- gus. num gurgēs usq̄ in nouissimum Priscillianum con- Priscillia- tinua & occulta successione manauit, autorem ma- nus. lorum, id est, scelerum, impietatum, flagitiorumq̄ nostrorū ausus est dicere creatorem Deum? Quip- pè quem adserit talem hominū manibus ipsum suis creare naturam, quæ p̄prio quodam motu, & necessariæ cuiusdam uoluntatis impulsu nihil aliud possit, nihil aliud uelit nisi peccare, eò q̄ furij̄s uitio- rum omnium exagitata & inflāmata, in omnia tur- pitudinū barathra inexhausta cupiditate rapiatur. Innumera sunt talia, quę breuitatis studio prætermi- timus, q̄bus tamen cūctis satis euidenter p̄spicueq̄ monstratur, hoc apud oēs ferè hæreses quasi solenne esse ac legitimum, ut semp̄ p̄phanis nouitatibus gaudeant, antiquitatis scita fastidiant, & per oppo- sitiones falsi nominis sciētiæ à fide naufragent. Con- trà uerò catholicorum hoc ferè proprium, deposita sanctorum patrum & commissa seruare, damnare prophanas nouitates, & sicut dixit, atque iterū præ dixit Apostolus: Siquis adnuntiauerit præterquam quod acceptum, est anathemate.

Quo pacto

Hic fortasse aliquis interroget, an & hæretici di heretici uinæ scripturæ testimonijs utantur. Utūtur plane et scripturis uehementer q̄dem, nam uideas eos uolare p̄ singu- utantur. la quæque

la quæque sanctę legis uolumina, p̄ Moyſi, p̄ Regno
 rū libros, p̄ Pſalmos, p̄ Apoſtolos, p̄ Euāgelia, p̄ Pro
 phetas. Siue enim apud ſuos, ſiue alienos, ſiue priua
 tim, ſiue publice: ſiue in ſermonibus, ſiue in libris, ſi
 ue in conuiuijs, ſiue in plateis, nihil unquam pene de
 ſuo proferunt, qđ non etiā ſcripturę uerbis adum
 brare conentur. Lege Pauli Samofateni opuscula,
 Prifcilliani, Eunomij, Iouiniani, relinquanturq; peſtiū,
 cernas infinitam exemplorū congeriem, prope nul
 lā omitti paginam, quæ non noui aut ueteris teſta
 menti ſententijs ſucata & colorata ſit: Sed tāto ma
 gis cauendi & pertimeſcendi ſunt, quanto occultius
 ſub diuinę legis umbraculis latitant. Sciūt enim foe
 tores ſuos nulli fere cito eē placituros, ſi nudi & ſim
 plices exhalentur, atq; idcirco eos cœleſtis eloquij,
 uelut quodam aromate aſpergunt, ut ille qui huma
 num facile deſpiceret errorem, diuina non facile cō
 temnat oracula. Itaque faciunt quod hi ſolent, qui
 paruulis auſtera quædam temperaturi pocula, prius
 ora melle circumlinunt, ut incauta ætas cū dulcedi
 nem præſenſerit, amaritudinē nō reformidet. Quod
 etiam hi curæ eſt, qui mala gramina & noxios ſuc
 cos medicaminū uocabulis præcolorant, ut nemo
 fere ubi ſupraſcriptum legerit remedium, ſuſpicietur
 uenenum. Idem denique & Saluator clamabat: At
 tendite uobis a Pſeudoprophetis, qui ueniūt ad uos
 in uestitu ouium, ab intus autem ſunt lupi rapaces.
 Quid eſt uestitus ouium? niſi prophetarum & Apo
 ſtolorum proloquia, quę ijdem ouili quadam ſynce
 ritate agno illi immaculato, qui tollit peccatū mun
 di, tanquam uellera quædam texuerunt? Qui ſunt
 lupi rapaces, niſi ſenſus hæreticorum feri & rabidi?
 qui caulas eccleſiæ ſemper infeſtant, & gregē Chri
 ſti quaqua poſſunt dilacerāt. Sed ut fallacius incau
 tis oui-

*Reſte er
 go dictum
 eſt pyxi
 des habere
 pharmaca,
 pharmaca
 uero uene
 na.*

tis ouibus obrepant, manente luporum ferocia de-
 ponunt lupinam speciem, & sese diuinæ legis senten-
 tijs, uelut quibusdam uelleribus obuoluunt, ut cum
 quisq; lanarum molliciem præsenferit, nequaquam
 aculeos dentium pertimescat. Sed quid ait Salua-
 tor? Ex fructibus eorum cognoscetis eos. Id est, cum *Ex fructi-*
 coeperint diuinas illas uoces non iam proferre tan- *bis cogno-*
 tum, sed etiam exponere, nec adhuc iactare solū, sed *scere.*
 etiam interpretari: tunc amaritudo illa, tunc acerbi-
 tas, tunc rabies intelligitur, tūc nouitium uirus exha-
 labitur, tunc prophanæ nouitates aperiuntur, tunc
 primum scindi sepem uideas, tunc transferri patrum
 terminos, tunc catholicam fidem cædi, tunc eccle-
 siasticum dogma lacerari. Tales erant hi, quos per-
 cutit apostolus Paulus. in secunda ad Corint. dicēs:
 Nam eiusmodi, inquit, pseudo apostoli, operarij sub *2. Cor. II.*
 doli, transfigurant se in apostolos Christi. Quid est
 transfigurantes se in ap'los Christi? Proferebāt ap'li
 diuinę legis exempla, proferebant et illi: Proferebāt
 Apostoli Psalmorū authoritates, proferebant & il-
 li: proferebant: Apostoli sententijs prophetarū, &
 illi nihilominus proferebant. Sed cum ea quę simili-
 ter protulerant, interpretari non similiter cœpissent,
 tunc simplices a subdolis, tunc infucati a fucatis, tūc
 recti a perueris, tunc postremo ueri apostoli a falsis
 apostolis discernebantur. Et non mirum inquit, ipse
 enim satanas transfigurat se in angelum lucis. Non
 est ergo magnum, si ministri eius transfigurantur si-
 cut ministri iustitiæ: ergo secundum apostoli Pauli
 magisterium, quotiescunq; uel pseudoapostoli, uel
 pseudoprophetæ, uel pseudo doctores diuinæ legis
 sententias proferunt, quibus male interpretatis er-
 rores suos adstruere conentur, non dubium est, quin
 authoris sui callida machinamenta sectentur: quæ
 ille

Fallēdiuia ille nunquam profecto cōmiseretur, nisi sciret om-
facillima. nino nullam esse ad fallēdum faciliorem uiam, q̄ ut
 ubi nefarij erroris subinducitur fraudulentia, ibi diu-
 norum uerborum prætēdatur authoritas. Sed dicet
 aliquis. Vnde probatur quod sacræ legis exemplis
Matth. 4. diabolus uti soleat? Legat Euangelia, in quibus scri-
 bitur: Tunc adsumpsit illum diabolus, id est, domi-
 num saluatorē: & statuit illū supra pinnā templi, &
 dixit ei, Si filius Dei es, mitte te deorsum, scriptū est
 enim: qđ angelis suis mandauit de te, ut custodiant
 te in omnibus ujs tuis: In manibus tollent te, ne for-
 te offendas ad lapidē pedem tuum. Quid hic faciet
 misellis hominibus, qui ipsum dominum maiestatis
 scripturarum testimonijs adpetiuit? Si inquit, filius
 Dei es, mitte te deorsum. Quare scriptum est enim
 inquit? magnopere nobis doctrina loci istius atten-
 denda atq; retinenda est, ut tanto euangelicæ autho-
 ritatis exemplo, quando aliquos apostolica, seu pro-
 phetica uerba proferre contra catholicam fidem ui-
 derimus, diabolū per eos loqui minime dubitemus:
 Nam sicut tunc caput capiti, ita nunc quoq; mem-
 bra membris loquuntur: membra scilicet diaboli
 membris Christi: perfidi, fidelibus, sacrilegi, religio-
 sis, hæretici postremo catholicis. Sed quid tandē di-
 cit? Si inquit, filius Dei es, mitte te deorsum. Hoc est,
 filius esse uis Dei, & hæreditatem regni cœlestis ac-
 cipere, mitte te deorsum, id est, existis te sublimis
 ecclesiæ, quæ etiam templum Dei putatur, doctrina
 & traditione demitte. Ac si quis interroget quēpiā
 hæreticorum sibi talia persuadentem, unde probas?
 unde doces, quod ecclesiæ catholicæ uniuersalē &
 antiquam fidem dimittere debeam? Statim ille: Scri-
 ptum est enim. Et continuo mille testimonia, mille
 exempla, mille athoritates parat, de Lege, de Psal-
 mis,

mis, de Apostolis, de Prophetis, quibus nouo & malo more interpretatis ex arce catholica in hæreseos barathrum infelix anima præcipitur.

Iam uero illis quæ sequuntur promissionibus miro modo incautos homines hæretici decipere cōsue-
runt: Audent etenim polliceri, & docere, quod ecclesia sua, id est, in communionis suæ conuenticulo magna & specialis ac plane personalis quædam sit Dei gratia, adeo ut sine ullo labore, sine ullo studio, sine ulla industria, etiā si nec petāt, nec q̄rāt, nec pul-
sent, q̄cūq; illi ad numerū suū p̄tinēt: tamē ita diuini
tus dispēsetur, ut angelicis euecti manibus, id est, an-
gelica protectione seruati, nunquā possint offendere
ad lapidem pedē suū, id est, nunquam scandalizari.

*Offendere
pedem ad
lapidem.*

Sed dicit aliquis, si diuinis eloquijs, sententijs, pro-
missionibus, & diabolus & discipuli eius utuntur,
quorum alij sunt pseudo apostoli, alij pseudo p̄phe-
tæ, & pseudomagistri & omnes ex toto hæretici, qd
facient catholici homines, & matris ecclesiæ filij?
quonam modo in scripturis sanctis ueritatem a falsi-
tate discernent? Hoc scilicet facere magnopere cura-
bunt, quod in principio Commonitorij istius san-
ctos & doctos uiros tradidisse nobis scripsimus, ut
diuinum canonē secundū uniuerſalis ecclesiæ tradi-
tiones, & iuxta catholici dogmatis regulas interpre-
tentur, in qua item catholicæ apostolicæq; ecclesiæ
sequantur necesse est uniuerſitatem antiquitatē, con-
sensionē. Et si quando pars contra uniuerſitatem, no-
uitas contra uetustatē, unius uel paucorū errantium
dissensio contra omnium uel certe multo pluriū ca-
tholicorum consensionem rebellauerit, præfer potio-
res, corruptioni uniuerſitatis integritatem: in qua ea-
dem uniuerſitate nouitatis profanitati, antiquitatis
religionem: Itemq; in ipsa uetustate unius siue pau-
cissi-

*Quomodo
deprehen-
duntur hæ-
reses.*

cisimorum temeritati primum omnium generalia sunt, siqua sunt uniuersalis Concilij decreta præponant, tunc deinde si id minus est, sequatur quod proximum est, multorum atq; magnorum cōsentientes sibi sententias magistrorum, quibus adiuuante domino fideliter, sobrie, solícite obseruatis, non magna difficultate noxios quosq; exurgentium hereticorū deprehendemus errores. Hic iam consequens esse uideo, ut exemplis demonstrem, quonam modo profanæ hæreticorum nouitates, prolatis atq; collatis ueterum magistrorū concordantibus sibi met sententijs, & deprehendantur & condemnentur, quæ tamē antiqua sanctorū patrum cōsensio, nō in omnibus diuinæ legis quæstiunculis, sed solū certe præcipue in fidei regula magno nobis studio & inuestiganda est, & sequenda. Sed neq; semper, neq; omnes hereses hoc modo impugnandæ sunt, sed nouitiæ recentesq; tantummodo, cū primum scilicet exoriuntur, antequā infalsarint uetustæ fidei regulas, ipsius temporis uetentur angustijs, ac priusquam manente latius ueneno maiorum uolumina uitare conentur. Cæterum dilatatæ & inueteratæ hæreses nequaquam hac uia adgrediendæ sunt, eo quod prolixo temporum tractu longa his furandæ ueritatis patuerit occasio. Atq; ideo quasquē illas antiquiores, uel schismaticum uel hæreseon profanitatis, nullo modo non oportet, nisi aut sola si opus est, scripturarum auctoritate conuincere, aut certe iam antiquitus uniuersalibus sacerdotum catholicorum Concilijs conuictas damnatasq; uitare.

Itaq; cum primum mali cuiusq; erroris putredinem erumpere cœperit, & ad defensionem sui quædam sacræ legis uerba furari, eaq; fallaciter & fraudulenter exponere, statim interpretando canonum maiorum

senten-

sententiæ congregandę sunt, quibus illud quodcūq;
 exurget nouitiū, ideoq; profanū, & absq; ulla amba
 ge pro datur, & sine ulla retractatione damnetur.
 Sed eorum duntaxat patrum sententiæ conferendę
 sunt, qui in fide & communione catholica sancte, sa
 pienter, constanter uiuentes, docentes & permanen
 tes, uel mori in Christo fideliter, uel occidi p Chri
 sto feliciter meruerunt. Quibus tamen hac lege cre
 dendum est, ut quicquid uel omnes uel plures uno
 eodemq; sensu manifeste, frequenter, perseueranter,
 uelut quodam consentiente sibi magistrorum Con
 cilio, accipiendo, tenendo, tradendo firmauerint, id
 pro indubitato, certo ratioq; habeatur: Quicquid ue
 ro, quāuis ille sanctus & doctus, quāuis Episcopus,
 quanuis confessor & martyr, præter omnes, aut etiā
 contra omnes senserit, id inter proprias & occultas
 & priuatas opiniunculas a communis & publicę,
 generalis sententiæ autoritate secretum sit, nec cum
 summo æternę salutis periculo, iuxta sacrilegam he
 reticorum & schismaticorum consuetudinem uni
 uersalis dogmatis autiqua ueritate dimissa, unius ho
 minis nouitiū sectemur errorem: quorum beatorū
 patrum sanctum catholicumq; consensum, ne quis
 sibi temere contemnendum forte arbitretur, ait in
 prima ad Corinthios Apostolus: Et quosdā qdem
 posuit Deus in ecclesia, primum Apostolos. Quorū
 ipse unus erat: Secundo Prophetas: qualem in Acti
 bus Apostolorum legimus Agabum: Tertio docto
 res, qui tractatores nūc appellantur, quos hic idem *Tractato -*
 Apostolus etiam Prophetas interdum nūcupat, eo *res.*
 quod per eos Prophetarum mysteria populis ape
 riantur. Hos ergo in ecclesia Dei diuinitus per tem
 pora & loca dispensatos, quisquis in sensu catholi
 ci dogmatis unum aliquid in Christo sentiētes con
 temple-

tempserit, non hominem contemnit, sed Deum, a quo-
rum ueridica unitate nequis discrepet, impetrat ob-
testatur idem Apostolus dicens: Obsecro autem uos
Fratres, ut id ipsum dicatis omnes, & non sint in uo-
bis schismata, sitis autem perfecti in eodem sensu,
& in eadem sententia. Quod si quis ab eorum senten-
tiae communione desciuerit, audiet illud eiusdem Apo-
stoli: Non est Deus dissensionis, sed pacis. Id est, non
eius, qui a consentiendi unitate defecerit, sed eorum
qui in consentiendi pace permanserint: Sicut in om-
nibus inquit, ecclesiarum sanctorum doceo, id est, ca-
tholicorum, quae ideo sanctae sunt, quia in fidei com-
munionem persistunt.

Et ne quis forsitan praetermissis caeteris, se solum
audiri, sibi soli credi arrogaret, paulo post ait: An a
uobis inquit, uerbum dei processit, aut in uos solos
deuenit? Et ne hoc quasi perfunctione acciperetur,
adiecit: Siquis, inquit, uidetur Propheta esse aut spi-
ritalis, cognoscat quae scribo uobis, quia domini sunt
mandata, quae utique mandata, nisi, ut si quis est Pro-
pheta, aut spiritalis, id est, spiritalium rerum magi-
ster, summo studio equalitatis & unitatis cultor exi-
stat, ut scilicet neque opiniones suas caeteris praefer-
rat, & ab uniuersorum sensibus non recedat: Cuius
rei mandata qui ignorat, inquit, ignorabitur, id est,
qui aut nescita non discit, aut scita contemnit, igno-
rabitur, hoc est, indignus habebitur qui inter unitos
fide, & exequatos humilitate diuinitus respiciatur: quo
malo nescio an quicquam acerbius cogitari queat.

Quod tamen iuxta Apostolicam comminationem
Julianus Pelagiano illi prouenisse cernimus *Pelagianus* Iuliano, qui se col-
legarum sensui aut incorporare neglexit, aut excor-
porare praesumpsit. Sed iam tempus est ut pollici-
tum proferamus exemplum, ubi, & quomodo san-
ctorum

ctorum patrum sententiæ congregatæ sint, ut secundum eas ex decreto atque autoritate concilij, ecclesiasticę fidei regula figeretur. Quod quo commodius fiat hic sit iam huius Commonitoriij modus, ut cætera quæ sequuntur ab alio sumamus exordio. Secundum Commonitoriũ interlapsum est, neque ex eo amplius quicquam, quàm postrema particula remansit, id est, sola recapitulatio, quæ & subiecta est. Quæ cum ita sint, iam tēpus est ut ea quæ duobus his Commonitorijs dicta sunt, in huius secundi fine recapitulemus.

Diximus in superioribus hanc fuisse semper & esse hodieq; catholicorū cōsuetudinem ut fidē uerā duobus his modis adprobent. Primum diuini canonis autoritate: deinde ecclesiæ catholicæ traditione non quia canon solus non sibi ad uniuersa sufficiat, sed quia uerba diuina pro suo plerique arbitrato interpretantes, uarias opiniones erroresq; concipiāt. Atque ideo necesse sit, ut ad unam ecclesiastici sensus regulam scripturæ cœlestis intelligentia dirigatur: in his duntaxat præcipue quæstionibus, quibus totius catholici dogmatis fundamenta nituntur. Itē diximus, in ipsa rursus ecclesia uniuersitatis pariter & antiquitatis consensionem spectari oportere, ne aut ab unitatis integritate in partem schismatis aberrāmur, aut ē uetustatis religione in hærese non uitates præcipitemur. Item diximus, in ipsa ecclesiæ uetustate duo quędā uehementer studiosęq; obseruanda, quibus penitus inhærere deberent quicūque hæretici esse nolint: primum siquid esset antiquitus ab omnibus ecclesię catholicę sacerdotibus uniuersalis Concilij autoritate decretum. Deinde si qua noua exurgeret quæstio, ubi id minime reperiatur, recurrendum ad sanctorum patrum senten-

D tias,

*Cōcilium
Ephesinū.*

tias, eorum duntaxat, qui suis quique tēporibus & locis in unitate communionis & fidei permanētes, magistri probabiles extitissent. Et quicquid uno sensu atque consensu tenuisse inuenirentur, id ecclesiæ uerū, & catholicum absque ullo scrupulo iudicaretur. Quod ne præsumptione magis nostra quàm auctoritate ecclesiastica promere uideremur, exemplū adhibuimus sancti Concilij, quod ante triennium ferme in Asia apud Ephesum celebratum est, uiris clarissimis Balio Antiochoq; Consulibus, Vbi cū de sciendis fidei regulis disceptaretur, nequa illic forsitan profana nouitas in modum perfidiæ Ariminenſis obreperet, uniuersis sacerdotibus, qui illò ducenti ferè numero conuenerant, hoc catholicissimū, fidelissimum atque optimum factū uisum est, ut in medium sanctorum patrum sententiæ proferretur, quorum alios martyres, alios Confessores, omnes uero catholicos sacerdotes fuisse, & permanſisse constaret: ut scilicet rite atque solenniter ex eorū cōsensu atque decreto antiqui dogmatis religio cōfirmaretur, & profanæ nouitatis blasphemia condemnaretur. Quod cum ita factum foret, iure meritoq; impius ille Nestorius, catholicæ uetustati, contrarius, beatus uero Cyrillus sacrosanctæ antiquitati consentaneus iudicatus est. Et ut ad fidem rerum nihil deesset, etiam nomina & numerum, licet ordinem fuisset oblitus, edidimus eorum patrum, iuxta quorum ordinem ibidem concinentem sibi concordemq; sniam, & legis sacre proloquia exposita sūt, et diuini dogmatis regula cōstabilita est: Quos ad confirmandam memoriā hic quoq; recensere nequaquā superfluum est. Sunt ergo hi uiri, quorum in illo Concilio, uel tanquā iudicū, uel tanquā testīū scripta recitata sunt. Sanctus Petrus Alexandrinus Episcopus,

Petrus alexandrinus

Episcopus, doctor p̄stantissimus & martyr beatissimus. Sāctus Athanasius eiusdem ciuitatis antistes, *Athanasius*
magister fidelissimus & confessor eminentissimus:
Sāctus Theophilus eiusdem item urbis Episcopus, *Theophilus*
uir fide, uita, scientia satis clarus: cui successit uenerandus Cyrillus, qui nunc Alexandrinam illustrat *Cyrillus*.
ecclesiam. Et ne forsitan unius ciuitatis ac prouincię doctrinę hec putaretur adhibita, sunt etiam illa Cappadocię lumina, sanctus Gregorius Episcopus *Gregorius*
& confessor, de Nazādo, uel Nazanzo: Sāctus Ba *Basilius*.
silius, Cæsareę Cappadocię Episcopus & Confes *Cæsariensis*
sor: Sanctus item alter Gregorius Nyssenus Ep̄s, fidei cōuersationis, integritatis & sapiētię merito fr̄e Basilio dignissimus. Sed ne sola gratia aut oriens tā
tum, uerum etiam occidentalis & latinus orbis ita
semper sensisse adprobaretur, lectę sunt quoque ibi
quædam ad quosdam Epistolę, sancti Felicis mar *Felix*.
tyris, & S. Iulij urbis Romę episcoporum. Et ut nō *Iulius*.
solum caput orbis, uerum etiam latera illi iudicio
testimonium perhiberent, adhibitus est à meridie,
beatissimus Cyprianus episcopus Carthaginēsi & *Cyprianus*
martyr. A septētrione sanctus Ambrosius Medio *Ambrosius*.
lanensis episcopus. Hi sunt igitur omnes apud Ephe
sum sacratio decalogi numero magistri, consiliarij,
testes iudicesq; producti, quorum beata illa Syno
dus doctrinam tenens, consilium sequens, credens
testimonio, obediens iudicio, absque tædio, præ
sumptione, & gratia de fidei regulis pronunciauit.
Quanquam multo amplior maiorum numerus ad
hiberi potuerit, sed necesse nō fuit: quia neque mul
titudine testium negotij tempora occupari oportebat, & decem illos non aliud ferē sensisse, quā cæ
teros omnes collegas suos nemo dubitabat.

Post quæ omnia adiecit etiam beatam Cyrilli

sententiam, quæ gestis ipsiſ eccleſiaſticis cōtinetur
Capreolus Nanque cum lecta eſſet ſancti Capreoli Epīſcopi
 Carthaginienſis epiſtola, qui nihil aliud inten-
 debat, & precabatur, niſi ut expugnata nouitate, anti-
 quitas defenderetur, ita Epīſcopus Cyrillus prolocu-
 tus eſt, & definiuit: quod hic quoque int erponere
 nō ab re uidetur: ait enim in ſine geſtorum: Et hæc,
 inquit, quæ lecta eſt epiſtola, uenerandi & multi re-
 ligioſi Epīſcopi Carthaginienſis Capreoli fidei ge-
 ſtorum inferetur, cuius aperta ſentētia eſt: uult enim
 antiquæ fidei dogmata confirmari, nouitia uero &
 ſuperfluæ adinuenta, & impie promulgata repro-
 bari atque damnari: Omnes Epīſcopi adclamaue-
 runt, hæc omnium uoces ſunt, hæc omnes dicimus,
 hoc omnium uotum eſt. Quæ tandem omnium uo-
 ces, atque omnium uota, niſi ut quod erat antiqui-
 tus traditum teneretur? quod adinuentum nuper,
 exploderetur? Poſt quæ admirati ſumus & prædi-
 cauimus quanta Concilij illius fuerit humilitas &
 ſanctitas, & tot numero ſacerdotes, penè ex maiore
 parte Metropolitanī, tantæ eruditionis, tantæq;
 doctrinæ, ut prope omnes poſſint de dogmatibus
 diſputare: Quibus propterea ipſa in unum congre-
 gatio audendā ſe aliquid & ſtatuendi addere ui-
 deretur fiduciam, nihil tamen nouarent, nihil præ-
 ſumerent, nihil ſibi penitus arrogarent, ſed omni-
 modis præcauerent, ne aliquid poſteris traderent,
 quod ipſi a patribus non accepiſſent. Et non ſo-
 lum in præſenti rem benè diſponerent, uerum etiam
 poſt futuris exempla præberent, ut & ipſi ſcilicet
 ſacratae uetuſtatis dogmata colerent: prophanæ
 uerò nouitatis adinuenta damnarent. Inueſti ſu-
 mus etiam in Neſtorij ſclerata præſumptio-
 nem, quòd ſacram ſcripturam ſe primum & ſolum
 intelligere

intelligere, & omnes eos ignorasse iactaret, quicumque ante se magisteri munere præditi diuina eloquia tractauissent: uniuersos scilicet sacerdotes, uniuersos confessores & martyres, quorum alij explanassent Dei legem, Alij uerò explanantibus consensissent, uel credidissent. Totam postremò etiam nunc errare, & semper errasse adseueraret ecclesiam, quæ, ut ipsi uidebatur, ignaros, erroneosq; doctores & se quita esset, & sequeretur.

Quæ omnia licet cumulate abundeq; sufficerent ad prophanas quasq; nouitates obruendas & extinguendas, tamen nequid deesse tantæ plenitudini uideretur, ad extremum adiecimus geminam Apostolicæ sedis auctoritatē, unam scilicet sancti Papæ Sixti, *Sixtus.* qui nunc Romanam ecclesiā uenerandus illustrat: alteram decessoris sui beatæ memoriæ papæ Celestini, quam hic quoq; interponere necessariū iudicauimus. Ait itaq; S. papa Sixtus in epistola, quā de causa Nestori Antiocheno misit episcopo: Ergo, inquit, quia sicut ait Apostolus. Fides una est, quæ euidenter obtinuit dicenda, credamus, & tenenda credamus. Tandem illa credenda & dicenda prosequitur, & ait: Nihil ultra, inquit, liceat nouitati, quia nihil addi conuenit uerustati, Perspicua maiorum fides & credulitas nulla coeni permissione turbetur. Omnino apostolice, ut maiorum credulitatem perspicuitatis lumine ornaret, nouitias uero prophanitates coeni permissione describeret. Sed & S. Papa Celestinus, pari modo eademq; sententia: Ait enim in Epistolam quam Gallorum sacerdotibus misit, arguens eorum conuiuentiam, quòd antiquam fidem silētio destituentes, profanas nouitates exurgere paterentur: Merito, inquit, causa nos respicit, si silētio foueamus errorem. Ergo corripiantur huiusmodi non sit

Liberum non sit omnia loqui.

his liberum habere pro uoluntate sermonem.

Huic aliquis fortasse addubitet, qui nam sint illi, quos, habere prohibeat liberum pro uoluntate sermonem, uetustatis prædicatores, an nouitatis adinuentores. Ipse dicat, & dubitationem legentiū ipse dissoluat: Sequitur enim: Desinat, inquit, si ita res est id est, si ita est, ut apud me quidā urbes & prouincias uestras criminantur, quod eas quibusdam nouitatibus consentire noxia dissimulatione faciat: Desinat itaque, inquit, si ita res est, incessere nouitas uetustatem. Ergo hæc fuit b. Celestini b. sententia, nō ut uetustas cessaret obruere nouitatem, sed potius nouitas desineret incessere uetustatem. Quibus apostolicis catholicisque decretis quisquis refragatur, insultet primum omnium necesse est memoriæ S. Celestini, qui statuit ut desineret incessere nouitas uetustatem deinde irrideat definita S. Xisti, qui cōsueuit ne ultra quicquam liceat nouitati, quia nihil addi conuenit uetustati: Sed & b. Cyrilli statuta contemnat, qui uenerandi Capreoli zelum magna prædicatione laudauit, quod antiqua fidei dogmata confirmari cuperet: nouitia uero adinuenta damnari. Ephesinam quoque synodū, id est, totius pene Orientis sanctorum Episcoporum iudicata proculcet, quibus diuinitus placuit, nihil aliud posteris credendū decernere, nisi quod sacrata sibi in Christo cōsentiens sanctorum patrum tenuisset antiquitas, quique etiam uociferantes & acclamantes, uno ore testificati sunt, has esse omnium uoces, hoc omnes optare, hoc omnes censere: ut sicut uniuersi fere ante Nestorium hæretici contemnentes uetustatem, & adserentes nouitatem damnati forent, ita ipse quoque Nestorius author nouitatis, & impugnator uetustatis condemnaretur. Quorum sacrosancta & celestis gratia mu-

nere inspirata consensio cui displicet, quid aliud sequitur, nisi ut profanitatem Nestorij adserat nō iure damnatam? Ad extremū quoq; uniuersam Christi Ecclesiam, & magistros eius Apostolos & Prophetas, præcipue quæ tamen b. Aposto. Paulum, uelut quædam purgamenta contemnat: illam, quod a religione colendæ & excolendæ semel sibi traditæ fidei nunquam recesserit: illum uero, qui scripserit: O Timothee depositum custodi, deuitans profanas uocū nouitates. Et item: Siquis uobis adnunciauerit præterquā quod accepistis, anathema sit. Quod si neq; Apostolica definita, neq; Ecclesiastica decreta temeranda sunt, quibus secundum sacrosanctam uniuersitatis & antiquitatis consensionem cūcti semper hæretici, & ad extremū Pelagius, Celestius, Nestorius iure meritoq; damnati sunt, necesse est profecto omnibus deinceps catholicis, qui sese Ecclesiæ matris legitimos filios probare student, ut sanctæ sanctorū patrum fidei inhæreant, adglutinent, immoriantur: profanas uero profanorū nouitates detestentur, horrescant, insectentur, persequantur.

Hæc sunt fere quæ duobus Commonitorijs latius disserta, aliquanto nunc breuius recapitulandi lege constricta sunt, ut memoria mea, cui adminiculandę ista confecimus, & commonendi assiduitate reparetur, & prolixitatis fastidio non obruatur.

VINCENTII LIRI
ensis Galli, finis.

